

MIARINARIVO

4

NIFAMPITIFITRA NY ZANDARY SY IREO DAHALO,
IRAY MATY VOATIFITRA, BASY IRAY AZO

Gazetiko

www.gazetiko.mg

Laharana 7833 Taona faha-25 Vidiny : 500 Ariary Gazety mivoaka isan'andro Alakamisy 28 martsa 2024

CHRISTINE RAZANAMASOAHANA

6

"TSY MANARAKA NY FENITRA ARAKA NY LALANA
NY FOMBA NITORIANA AHY ENY AMIN'NY HCC"



MARINA IZANY !

6

MALAZA RATSY !

FETIN'NY PASKA

PEJY
MANOKANA

10

11



29 MARSA 1947-77 TAONA

7

MBOLA TSY FANTATRA
MAZAVA NY MARINA

BLACK NADIA, AYAM...

3

KIANJA BAREA
AMBIANSY
" HAUTE
VOLTAGE "



RIVODOZA GAMANE

5

ANALANJIROFO SY ATSIANANA
OLONA 6 NAMOY NY AINY,
1 TSY HITA POPOKA

Telma

MIRESAKA FOANA, ISAN'ANDRO, ISAN'ORA !

M'Ora ⁵⁰⁰
500 Ar
ANTSO MANKANY (TELMA SY NY TAMBAZOTRA NAFANANAN'NY L'ANDRO)
+ 25 SMS • 25 Mo

TSINDRIO NY #322*20#

GCL 762/25-24



Mampifandray
@ireo havanao maneran-tany

Mandraisa vola avy any ivelany ao
@compte MVola



• PARTENAIRES •



MVola

GCL 763/13-12

Fiahiana ara-tsosialy ho an'ny mpiasa tena - Vakinankaratra

4 500 Ar isaky ny ankohonana ny latsakemboka

Mbola hitohy amin'ireo distrika hafa ny hetsika fampahafantarana ifotony amin'ny resaka fiahina ara-tsosialy.

Tohin'ny dingana voalohany tamin'ny tolo-kevitra natao tao Antsirabe ny 21 Febroary lasa teo. Miditra amin'ny dingana faharoa amin'ny fametrahana ilay fanitarana ny fiahiana ara-tsosialy ho an'ireo mpiasa tena ny eo anivon'ny

Ministeran'ny Asa, ny Fampananan'asa ary ny Asam-panjakana. Araka izany, dia nidinana ifotony nampahafantatra sy nanome fanampim-panazavana mikasika ny fiahiana ara-pahasalamana sy ny fisotroan-dronono ary ny volan-jaza ao amin'ny CNAPS tamin'ireo an'ireo mpiasa tena, toy ny mpamboly sy ny mpiompy tao amin'ny faritra Vakinankaratra izy ireo mba hahafan'ireo mpiasa tena misitrakany zofeno amin'ny fiahiana ara-tsosialy.

Distrika telo no nanombohana ny asa (Antsirabe I, Antsirabe II ary Mandoto). Raha ho an'ny faritra Vakinankaratra manokana dia tapaka fa 4 500Ar isam-bolana, isaky ny ankohonana ny latsakemboka atokana hitsinjovana ny fahasalaman'izy ireo. Nilaza ny fahafam-pony amin'izao tetikasan'ny fanjakana izao moa ny tantsaha mpamokatra sy mpamboly tany an-toerana. Mbola hitohy amin'ireo distrika hafa ity ny hetsika fampahafantarana ifotony

amin'ny resaka fiahina ara-tsosialy volavolain'ny Ministeran'ny Asa, ny Fampananan'asa ary ny Asam-panjakana sy ireo mpiara-miasa toy ny (OIT), ny CNaPS, ary fikambanana. Nomarihin-dRtoa Ramarison Cristelle, Tale Jeneralin'ny Asa, fa faritra 8 no hanaovana izao hetsika fiahiana ara-tsosialy ho an'ny mpiasa tena izao mandritra ny roa taona, ka i Vakinankaratra no natao faritra filamatra amin'izany.

Niry R.

Analanjirofo

Notanana am-ponja vonjimaika ny lehiben'ny faritra teo aloha

Niakatra teny amin'ny Fitarana miady amin'ny kolikoly (PAC) eny 67 Ha ny raharaha mahavoasaringotra an'Ing. Ramarson Jacques, lehiben'ny faritra Analanjirofo teo aloha. Taorian'ny fihainoana azy dia nanapa-kevitra nampiditra am-ponja vonji-

maikai tomponandraitra teo aloha io ny Fitarana. Isan'ny vesatra niampangana azy tamin'izany ny voalaza ho fanodikodinam-bola tao amin'ny faritra notantaniny sy ny tsy filaminan'ny fitantanambola ary ny resaka kolikoly. Araka ny loharanom-baovao

marim-pototra, efa niakanidina tany amin'ny BIANCO any Mahajanga Ing. Ramarson Jacques talohan'izao nampidira am-ponja vonjimaika azy izao. Ao anatin'izany rehetra izany, na inona na inona mety ho tao ambadiky ny raharaha, dia heverina fa lesona ho

an'ireo tomponandraitra zatra lalan-dririnina ny raharaha tahaka izao. Ny ahiana, mety hisy fiantraikany amin'ny ho avy politikan'ity lehiben'ny faritra Analanjirofo teo aloha ity izao raharaham-pitsarana mahavoasaringotra azy ity.

Mamy R.

Taratasy ho an-dRamala

Mizàna...tsindrian'ila !

Any Ramala,

Tamin'ny tany faha-Gasy Ramala dia efa samy nampiasaina na ny famàrana na ny mizàna. Izay no nahatonga ireo mpiray tanindrazana amintsika tany aloha namorona ilay ohabolana hoe " Mizàna tsindrian'ila " ! Fa inona tokoa Ramala no nahatonga an'io fitenenana io ? Raha raisina ara-bakiteny mantsy dia hoe mandanja zavatra dia atao mavesatra ny ilany fa tsy tena ilay lanjany. Hany ka raha zavatra na entanasatria amin'ny resaka varotra no tena ampiasaina azy io- tokony ho iray kilao, ohatra, dia mety ho lasa iray kilao latsaka fahefany na antsa-sany sisa. Mangalatra anie no dikan'izany Ramala é ! Izany hoe mampiasa mizàna mandainga. Maha-voasazy ny fampiasana famàrana mizàna tsy marina Ramala ary na tamin'ny andron'izany Ombalahibemaso izany hono dia efa niharan'ny sazy izay mampiasa famàrana na mizàna tsy marina eny an-tsenà. Tato aoriana dia lasa ohabolana sisa no nampiasana an'io fitenenana io Ramala nenti-nilazana fitondrana mitanila na fiangarana. Fa ity zavatra resahiko anio ity Ramala tsy mba ohabolana fa tena zava-nisy. Vao omaly ny omaly anie ka nisy ireo mizàna niaraka amin'ny vato noraofoin'ny manampahafana teny amin'ny tsena iray teto an-tanàna teto é ! Fa inona no antony ? Nanao mizàna tsindrian'ila ve ny topony ? Mizàna tsy voamarina na tsy vita fitsarana hono izy ireny. Misy didy tokoa Ramala manery ny olona mampiasa mizàna eny an-tsenà na anaovana varotra ny amin'ny tsy maintsy anaovana fitsaràna izany. Raha mandehandeha eny an-tsenà eto an-tanàna eto ianao Ramala dia mahatsikaritra fa misy karazana mizàna samihafa mba tsy hilazana hoe hafahafa ampisain'ny mpivarotra sasany. Tsy fantatra intsony hoe azo ampiasaina amin'ny varotra atao ve izy ireny ? Tsy vitan'izany fa indrindray koa misy manisy zavatra hafa toy ny kofehy na tady sy ny sisa. Hatramin'ny vato fandanjana ampiasain'ny sasany aza no misy hafahafa, na vato tena vato mihitsy Ramala ! Sao mba tokony hojeren'ny manampahafana koa ireny ? Misy koa ireo mizàna tsy marin-toerana na mitongilana amin'izy ireny. Santionany ny zavatra hita daholo ireo Ramala fa mety ho efa hainao ihany. Izay angamba no hamaranana ny androany Ramala fa amin'ny manaraka indray.

Ragasy

CANAL+

60.000*

— ARIARY —

DECODEUR + EVASION

INSTALLATION OFFERTE

DU 21 MARS AU 28 AVRIL

15 JOURS**
OFFERTS

SUR TOUT CANAL+

POUR TOUT REABONNEMENT

A LA FORMULE ACTUELLE

DU 29 MARS AU 28 AVRIL

VOUS N'EN CROIREZ PAS VOS ŒUFS !!!

* Offre valable du 21 mars au 28 avril 2024 dans la limite des stocks disponibles pour tout nouvel abonnement sur la formule EVASION des BOUQUETS CANAL+. Parabole offerte. Hors frais d'accessoires. Prix TTC maximum conseillé. Voir tarifs et conditions de l'offre auprès de votre Distributeur Agréé.

** Offre valable 1 fois du 29 mars au 28 avril 2024, accès à 15 jours sur TOUT CANAL+ pour tout réabonnement à la formule ACCESS, EVASION ou ACCESS+ sous condition de maintien de sa formule. (date de référence : 29 FEVRIER 2024)

Black Nadia, Wawa, Ayam, Tekno,...

Ambiansy " Haute voltage " ao amin'ny Kianja Barea Annexe

"Manomana fialamboly goavana izahay amin'io, ka raha vao mihamaizina ny andro, dia raikitra ny afomanga goavambe ", hoy ny mpikarakara .

Hangotrakotraka ny ao amin'ny Kianja Annexe Barea Mahamasina. Izay no fanamby omen'ny Sound Production sy ny Mick Prod, mpikarakara ny fialamboly alatsinain'ny paska etsy amin'ny Kianja Annexe Mahamasina. Antony nisafidianan'izy ireo ny anarana hoe « Lundi de pâques Haute voltage », satria mpanakanto mivoy ny gadona tropikaly mafanafana avokoa no hanafana ao an-toerana. Lohalaharana amin'izany i Wawa, andrarezin'ny mozika salegy ; Black Nadia (namoaka hira mafampana tato ho ato ary sambany no hiaka-tsehatra taorian'ny nite-



Black Nadia sy Ayam, hiray sehatra etsy Mahamasina.

rahany ny zanany) ; Elidiot izay tsy zoviana amin'ny maro intsony ; Nael, Tekno, Rappa, Ayam, Raouto, Sabata Andavamamba. Ho an'i Wawa, izay hitondra anjara toerana goavana amin'ity hetsika ity. Efa 7 taona no tsy niaka-tsehatra goavana ankalamanjana teto an-drenivohitra ny tarika Wawa. Haharitra adiny 2 ora sy sasany ny fandraisany anjara amin'izany, izany hoe fampi-

sehoana iray manontolo mihitsy no nomanin'ny tarika ho an'ireo hialavoly ao an-toerana. Ny tarika Wawa rahateo no fantatra fa hamarana ny fety ao Mahamasina. « Manomana fialamboly goavana izahay amin'io, ka raha vao mihamaizina ny andro, dia raikitra ny afomanga goavambe », hoy Atoa Cedric Razakariavelo, tale jeneralin'ny Sound Production. Ny Cool Concept

no voalaza fa hiandraikitra ny fanamafisam-peo sy ny jiro ao anatin'ity alatsinain'ny paska Mikasika ny filaminana, nanome toky ny mpikarakara fa ho hentitra tanteraka izy ireo ary afaka hialavoly ampitoniana izay ho tonga ao an-toerana. Ankoatra ireo mpi-tandro filaminana mahazatra, hisy ny sivily hanampy azy ireo, ka hahatratra 150 ireo hiandraikitra izany.

Fy

Zoma manifika

Le Glacier Analakely

Seho miavaka iarahana'i Manaly sy Mahaliana Karen Manaly sy Mahaliana Karen. Izy ireo no hifarimbona hanafana ny efitrano filanonan'i Le Glacier Analakely, anio manomboka amin'ny 8 ora alina etsy amin'ny Le Glacier Analakely. Natambatry ny fanandratana ny kolontsaina sy ny fomba amam-panao any amin'ny faritra Atsimon'ny Nosy izy mianaka ka hizara izany ho an'ny mpankafy rehetra eto Antananarivo sy ny manodidina. « Double Ambiance » no lohahevitra entin'izy ireo manamarika ity seho ity ka tsy hiompana fotsiny amin'ny hira izy ireo fa hampandihy sy hanafana ny sehatra ao amin'ny Le Glacier ihany koa.

Arotel Antsirabe

« Friday off.. » iarahana amin'ny Ambondrona Any Vakinankaratra no hamarana ny herinandrony ny tarika Ambondrona. Amin'io fandalovany io dia hanolotra seho tsy manam-paharoa ao amin'ny Arotel Antsirabe izy ireo amin'ny alalan'ilay hetsika hoe « Friday off ». Araka izany dia anio zoma no fotoana nomen'izy ireo, izay mpankafy azy any an-toerana. Hanomboka amin'ny 8 ora alina ny hetsika kanefa ilaina ihany ny fahatongavana mialoha. Tsara ihany koa ny manao famandriahan-toerana mialoha, araka ny nambaran'ny tomponandraikitra.

Les Cygnes Mandrosoa Ivato

Zoma manifika iarahana amin'i Wada & Yoongs Hifamotoana eny Mandrosoa Ivato ao amin'ny Le Cygnes indray ny mpankafy gadona mafana anio manomboka amin'ny 9 ora alina. Hanolotra seho miavaka ao anatin'ny tontolo milamina amin'io fotoana io i Wada & Yoongs. Mandritra ity fotoana ity no hanoloran'izy roa lahy ireo hira ankafihizin'ny rehetra hatramin'izay sy ireo hirany vaovao. Zoma manifika hanomanana sahadry ny paska sy ny alatsinain'ny paska io.

Nangonin'i Fy

Tafa...sika

Raouto

"Fitaviana sy fifehezana ny mozika no lakilen'ny fahombiazana"

" Faniriako ", " Rôrô ". Santionany amin'ireo vazo mitondra avo ny lazand-Raouto. Maromaro ny hetsika ahitana azy amin'ny alatsinain'ny paska, ka anisan'ireny ny etsy amin'ny kianja Annexe Mahamasina sy Club Nautique Ivato. Nisy ny resaka nifanaovanay taminy :

Gazetiko : Mpanakanto malaza amin'izao ianao. Mba tantarao kely ny lalana nodiavinao ka nahatonga anao amin'izao toerana misy anao izao?

Raouto : « Efa hatramin'ny mbola kely aho no tia mihira. Nanomboka teo amin'ny faha-14 taonako izaho no efa nihira tamin'izany. Tafiditra lalina tao, dia lasa kamo nianatra fa variana tamin'ny hira teo amin'ny faha-16 taonako. Teo amin'ny faha-19 taonako amin'izay, rehefa tsy nazoto nianatra intsony dia nividianan'ny ray aman-dreny fitaovana fandraisam-peo (Studio).

Hatramin'izao 33 taona izao mikaroka hatrany hanatsarana ny hira amin'ny alalan'ireo fitaovana ireo. Tsy fantatro hoe inona no antony nampalaza ahy fa tonga ny fotoana dia niainga ilay laza na efa taratara aza ».

Gazetiko : Nampiova ny fiainana ve ilay hoe vedety? Inona no hitanao hoe tombony azonao amin'ny mahavedety eo anivon'ny fiaramonina ankapobeny? Inona no lafiratsiny, ny zavatra Tianao atao nefatsy afaka atao intsony?

Raouto : « Hatreto aloha tsy miova ny fiainana fa ilay mandeha bus no tsy natao

intsony. Hatramin'izao mbola eny amin'ny fiarahamonina eny, dia tsy hitako izay fijerin'izy ireo hoe ahoana Raouto rehefa nalaza fa miaina amin'ny fianana andavanandro. Ny lafy tsara dia ny malaza sy ny hoe mahita tanana be dia be. Fa ny lafy ratsiny lasa tian'ny sipa kely ».

Gazetiko : Mahavelona ve ny mihira? Inona no tokony hatao raha te halaza? Seho firy no ataonao mandritra ity faran'ny herinandron'ny paska ity ? Inona no vaovao ato ho ato ?

Raouto : « Tena mahavelona ny mihira. Ny fitaviana

sy fifehezana an'ilay mozika no mampahalaza. Amin'ny alahadin'ny paska aho any Faratsiho, fa eto Antananarivo seho 6 no indray ataoko. Efa misy fandaminana atao, ary mitovy daholo ny hira ataoko. Anisan'ireny ny etsy amin'ny Kianja Annexe Mahamasina sy eny amin'ny Club Nautique Ivato. Efa manana hira 200 any aho noforoniko fa manomana fampiaraham-peo amin'ny artista malaza hatramin'izay toa an-dry Rim-k sy Black Nadia indray izao ».

Nangonin'i Fy



PETITES ANNONCES Gazetiko

A VENDRE

* Tsenabe Isotry. Trano 2 étages : 16ch, E&E, 1er plan, T&B, QC : 5 MD Ar à d. Tél : 033.73.021.33. (G-BA 785/10-10)

VIDANGE

* Vidange fosse septique, fosse perdue & puisard...

Tél : 034.19.333.09 / 033.64.965.79. (G-BA-775/20-19)

* Vidange wc fosse septique et perdue, puisard, plomberie, réhabilitat°. Tél : 034.22.595.81. (G-BA 788/20-8)

* Manao asa momba ny vidange, wc fosse septique et perdue, puisard. Tél : 033.07.856.77. (G-BA 791/6-3)

* Vidange wc fosse septique et perdue, puisard, plomberie, réhabilitat°. Tél : 032.46.173.34. (G-BA 791/6-3)

* Vidange wc fosse septique et perdue, puisard, plomberie, réhabilitat°. Tél : 034.01.482.77. (G-BA 791/6-3)

Miarinarivo

Nifampitifitra ny zandary sy ireo dahalo, iray maty voatifitra, basy iray azo

Vaky nandositra ireo dahalo ka ity iray ity no tavela rehefa lavon'ny balan'ny zandary.



Ilay dahalo maty!

Nirefodrefotra ny basy tao anaty alan'i Mahavavy, akaikin'ny reniranon'i Sakay, kaominina Andolofotsy, distrikan'i Miarinarivo ny Talata lasa teo. Nifampitifitra ny zandary sy ireo dahalo ka dahalo iray maty voatifitra. Araka ny fanazavàna azo, nifamory nikononkonona fanafihana tao amin'io ala io ireto andian-dahalo nirongo basy sy lefona. Nisy nahatsikaritra anefa izany ka nampandrenesina haingana ny zandary tao Andolofotsy. Nidina ifotony tany an-toerana

avy hatrany ny zandary raha vao nandre izany. Mbola tratra tao amin'ilay toerana voalaza tokoa ireo dahalo, izay tsy nanam-po na inona na inona. Raha vao nahatazana izany anefa ireo dahalo dia vaky nandositra

sady namoaka basy nitifitra ireo zandary. Raikitra ny fifampitifirana teo amin'ny roa tonta. Vokany, dahalo iray no lavon'ny balan'ny zandary. Tratra ihany koa ny basy vita gasy iray teny aminy.

Dahalo raindahiny

Fantatra fa efa dahalo raindahiny ity maty voatifitra ity. Rehefa natao mantsy ny fanadihadiana dia fantatra fa anisan'ireo nanafika tao Ambaibofo, fokontany Ambohidrano, kaominina Andolofotsy izy ity ka omby miisa roa no very tamin'izany. Efa azo avokoa anefa ireo omby: fa tafatsoaka kosa ireo dahalo ka tamin'ity vao io tratra io. Mitohy hatrany ny fikarohana ataon'ny mpitandro filaminana ireo namany, izay mbola miriaria any amin'izao. Tsy mbola fantatra moa ny toerana saika hotafihan'izy ireo tamin'ity fa izao trà-tehaky ny zandary izao ka rava maina ny tetika rehetra.

R.C

Ambohimahasoa

Lehilahy varira feno ratra hita faty nifatotra

Lehilahy iray sahabo ho 30 taona eo ho eo, izay manana toetena varira no hita faty tao amin'ny tanàna atao hoe Sahateza, fokontany Antsio kaominina Ambalakin-dresy, distrikan' Ambohimahasoa,omaly. Mbola baraingo hatreto na vono olona niniana natao no niseho na tsia. Araka ny fihazana nataon'ny mpitandro ny filaminana dia hita faty feno ratra ny vatana mangatsiakan'io lehilahy io. Nifatotra tongotra amantanana ihany koa izy. « Mifatotra ny tanany sy ny tongony ary mifono lamba ny lohany. Tamin'ny fitsirihana natao dia nahitana ratra kely (kiaka) eo amin'ny vodiny, tongony sy tanany ary mbola teo aminy dahalo ny taovany rehetra » : hoy ny fanazavan'ny loharanom-baovao izay nanatri-maso ny fihazana ity tranga ity. Omaly tokony ho tamin'ny 10 ora antoandro no nampandre an'ireo zandary miasa ao amin'ny zana-tobim-paritra Ambalakin-dresy ny lehiben'ny fokontany Antsio. Mbola mandeha ny fanadihadiana ny raharaha. Hatreto ihany koa dia tsy nisy nahafantatra an'io namoy ny ainy io ny mponina na ny anarany na ny toeram-ponenany. Natolotra ny solontenam-panjakana ny razana rehefa vita ny fitsirihana natao mandra-pahatonga izay mety ho fianakaviany. Misokatra ny fanadihadiana ary mitohy ny fikaroham-baovao mahakasika ny nahavanon-doza.

Deyland

Ihorombe

Miaramila iray naratra voatitifitry ny dahalo

Nanao fampandrian-tany tany amin'ny faritr'Ihorombe iny ity miaramila ity sy ireo namany no izao voatitifitry ny dahalo izao. Raha nandeha nantsaka rano ity miaramila ity sy ny namany iray no nifanehatra tamin'ny andian-dahalo nirongo fiadina nikasa hanafika tao Angodongodo- Tanandava, faritr'Ihorombe. Nitifitra avy hatrany ireo dahalo raha vao nahatazana azy ireo. Niezaka nitsoka namonjy ireo namany tao amin'ny Toby ireo miaramila roa lahy ireo saingy voatifitra ny iray ka lavo tamin'ny tany ary tsy nahatsiaro tena. Tsy naninona kosa ilay iray. Taitra ireo namany raha nandre ny feom-basy ka nivoaka nijery ny zava-nitranga. Novonjena haingana aloha ilay miaramila naratra. Ny sasany kosa nanenjika ireo dahalo. Nalefa haingana tamin'ny angidimby hamonjy hopitaly ilay naratra.

R.C

Tanjombato

Lehilahy tratra nangalatra môto an'orinasa

Lehilahy iray 30 taona no voasambotry ny polisy afakomaly tokony ho tamin'ny 11 ora sy fahefany antoandro teny Tanjombato noho ny resaka halatra môto an'ny orinasa iray. Tonga nanao ny asany teny Behoririka ilay lehilahy nitondra môto ka nametraka izany teny amin'ny fiantsonana tao amin'ny tobim-pahasalamana iray teny an-toerana ny maraina tamin'io andro io. Nandritra ny fotoana nipetrahan'ilay kodiaran-droa teo no nanararaotan'ilay mpangalatra azy. Ka rehefa niverina avy nanao ny asany ilay mpitondra môto ka handeha haka ilay izy teo amin'ny toerana nametrahany azy no hatairana ny azy fa tsy teo intsony izany. Taorian'izay dia nentina teo anivon'ny mpitandro filaminana ny raharaha. Efa nojerena ny GPS ka hita fa nizotra nankany Tanjombato ny lalana nitondran'ilay mpangalatra azy.

T.H

Antsirabe

Vola sandoka 18 tapitrisa ariary saika haparitaka

Tsy kely lalana ratsy! Vola sandoka manodidina ny 18 tapitrisa ariary nokasain'ireo olon-dratsy haparitaka any amin'ny tanànan'Antsirabe no saron'ny mpitandro filaminana tany an-toerana ny alatsinainy lasa teo. Araka ny fantatra dia saika hakana tombony hamidy ireo vola tsy tena izy ireo mba hitadiavam-bola. Olona tsara sitrapo no nampandre ny polisy

mikasika ny fisian'ny vola sandoka any an-toerana. Raha vao nandre izany ireo mpitandro filaminana dia nandeha nidina ifotony nanamarina ny zavainitranga tany amin'ilay toerana. Hita tao tokoa ireo lehilahy telo niaraka tamin'ireo vola sandoka maro be izay ravim-bola hosoka 20 000 ariary avokoa. Araka ny fanazavàna dia lehilahy

lehibe iray avy aty Antanana-rivo no nandeha nankany Antsirabe saika hivarotra ireo vola tsy tena izy ireo. Ary nisy roa lahy hafa niray tsikombakomba taminy avy any an-toerana saika hanaparitaka ireo vola tsy tena izy ireo. Nosamborina izy telo lahy ary taorian'izay dia nentina nankany amin'ny biraon'ny polisy niaraka tamin'ireo vola tsy tena izy

T.H

Talatamaty

Tovolahy 19 taona mivarotra rongony tratra

Mitohy hatrany ny hetsika ataon'ny mpitandro filaminana amin'ity famongorana ny fiparitahan'ity zavamahadomelina ity. Tovolahy iray tokony ho sivy ambin'ny folo taona no trà-tehaky ny zandary teny Amborompotsy-Talatamaty mivarotra rongony. Fitarainana avy amin'ny mponina eny an-toerana no nahafantarana ny zavatra

nataon'ity tovolahy ity, izay sady mivarotra no mampifoka rongony ireo tanora eny amin'ny manodidina. Rehefa natao ny fisavàna dia mbola nahatratrarana rongony fitopolo fonosana tany aminy. voalaza fa saika tanora toa azy avokoa no hamarotany ireo rongony ary misy aza mbola tsy ampy taona akory. Notanana natao famotorana

avy hatrany moa izy ary nogiazana avokoa ireo rongony tratra tao aminy ireo. Fa ankoatr'io dia rangahy roa ihany koa no trà-tehaky ny zandary mamboly sy mivarotra rongony any amin'ny faritr' I Soavinandriana-Itasy iny ny 23 Martsa lasa teo. Fanomezam-baovao avy amin'ny olona tsara sitrapo no nahafantarana izany.

R.C

MANAL'AZY DE MI'MEME



Rivodoza Gamane - Analanjirofo sy Atsinanana

Olona 6 namoy ny ainy, 1 tsy hita popoka

Mahatratra 3 543 ny fitambaran'ireo traboina tamin'ilay orambe sy rivodoza Gamane.

Tondraka ny rano tao amin'ny faritra Analanjirofo sy Atsinanana vokatr'ilay orambe nentin'ny rivodoza Gamane. Araka ny fampitam-baovao ofisialy voaray teo anivon'ny BNGRC (Bureau National de Gestion des Risques et des Catastrophes), omaly tamin'ny

5 ora hariva, dia olona 6 no voamarina fa namoy ny ainy tao amin'ireto faritra roa ireto. Tao amin'ny distrikan'i Maroantsetra ny 3, tao amin'ny distrikan'i Mananara Avaratra ny 1, tao amin'ny distrikan'i Vavatenina ny 1, ary tao amin'ny distrikan'i Toamasina II ny 1. Nisy olona 1 tsy hita popoka ary mbola karohina ao amin'ny distrikan'i Fenoarivo Atsinanana. Mahatratra 2 606 ireo traboina, koa ny 2 561 tamin'ireo efa nafindra toerana. Napetraka

amin'nytoerana 4 fandraisana traboina ny 208, ary namonjy ireo mpifanila vadirindrina sy fianakaviana ny 2 322. Misy trano 608 tondraky ny rano, ary 2 hafa simba tant-raka. Tao amin'ny kaominina Ambakirano, distrikan' Ambilobe no nisy ny ivon'ity rovodoza ity omaly tamin'ny 3 ora tolakandro. Nihena andalana ny heriny. 90 Km isan'ora ny rivotra nentiny, izay arahina tafiotra 125 Km isan'ora ao anatin'ny 30 Km manodidina ny foibeny. Nikisaka nianatsimo

Andrefana ny diany ary nahafaka 9 Km isan'ora. Tombanana hivoaka andranomasina any amin'ny tendrony Atsimon'ny Tanjona Masoala anio tolakandro. Fa ankoatra ity rivodoza ity, dia namela takaitra goavana ihany koa ilay orambe tamin'ny 23 marsa lasa teo tany amin'ny faritra Anosy sy Atsimo Atsinanana ary Atsinanana. 937 ireo traboina tamin'izany ary efa nafindra amin'ny toerana 7 fandraisana traboina.

R. Muray

Fahavitan-tena ara-tsakafo

Anohana ireo mpandraharaha mamokatra zezika ny minisiteran'ny Fambolena

« Latsaky ny 10 kg isan'Ha ny zezika ampiasain'ny mpamboly eto amintsika amin'izao fotoana izao. Ny zezika anefa anisan'ny singa iray afaka mampitombo ny tahan'ny famokarana eto amintsika ka izay no nahatonga anay eto anivon'ny minisiteran'ny Fambolena sy fiompiana manampy ireo mpandraharaha mpamokatra zezika. Tsy misy ny fanohanana ara-bola fa kosa ny fikarakarana toerana afaka hiasana sy fanamorana ny fahazoana herinaratra. Faritra enina no hisitraka izany fiaraha-miasa izany amin'izao fanombohana izao fa tsy maintsy hitarina manerana ny faritra 23 izany aoriana kely ao. » hoy ny minisitra Suzelin Ratohiarijaona Rakotoarisolo, nandritra ny fanaovan-tsonia fifanaraham-piarahamiasa teo aminy sy ireo orinasa tsy



Ny minisitra Suzelin Ratohiarijaona Rakotoarisolo sy ny PDG STOI Tovonanahary Rabetsitonta.

miankina vonona hanome tolotra manokana mba hahafahana manamora sy mivavotra zezika amin'ny vidiny mirary.

STOI zezika Taroka

Araka ny fanazavan'i

Tovonanahary Rabetsitonta, PDG STOI : « 34 taona ny nisian'ny STOI teto amintsika ary miezaka mitady fomba vaovao foana izy ireo hanampiana ny tantsaha. Mamokatra zezika Taroka

2 000 taonina isam-bolana izy ireo izay azo ampiarahana amin'ny Urée sy zezi-pahitra ary manaja ny lalànan'ny farimbom-pamokarana na « agrégation agricole ». Taloha raha 2 taonina isan'Ha ny voka-bary vokarin'ny olona efa tafakatra 5 taonina isan'Ha izany ankehitriny izany hoe mitombo avo roa heny. » Raha mitombo 25 isanjato anefa ny vokatra, mahaleo tena ara-tsakafo isika ary mety hanondrana vary mihitsy aza. Hatramin'izay, niezaka niasa irery teny ny mpandraharaha fa amin'izao, manohana ny fanjakana ka azo antoka fa hisy vokatra tsara amin'ny fambolena izany ary samy hahazo tombontsoa daholo na ny tantsaha na ny mpandraharaha ary indrindra hitondra fampandrosoana ho an'i Madagasikara.

Nath

Haren-javaboary an-dranomasina

Tandindonin-doza amin'ny fiavin'ireo sambo avy any lvelany

Manan-karena zavaboary ny fari-dranomasin'i Madagasikara. Tandindonin-doza anefa io haren-javaboary an-dranomasina io noho ny fiavian'ireo sambo avy any lvelany. Ireto farany, izay heverina fa matetika ahitana zavamananaina miraikitra amin'ny vatany, ka atahorana hanimba ny haren-javaboary aty amintsika. Tsihivina fa efa nisy ny tranga tamin'ny fahaton-gavan'ny radaka boka tao Toamasina. Eo anatrehan'izany indrindra, misy ny atrikasa karakaraian'ny OMI (Organisation Maritime Internationale) miaraka



Tonga nanatrika ny fanokafana ny atrikasa ny solontenan'ny OMI (Faharoa ankavanana).

amin'ny fanjakana malagasy hoentina mamolavola rafitra mifandraika amin'ny

fiarovana ny haren-javaboary manoloana ny fahaton-gavan'ireo sambo avy any

lvelany. «Tsy maintsy hisy ny famolavolana paikady fa mialoha izany dia ny fame-trahana ny rafitra iadiana amin'ireo zavamananaina mifikitra amin'ny sambo, ka mety hanimba ny tontolo iainana an-dranomasina no atao eto. Mbola ny fanarahamaso ara-taratasy aloha no ataon'ireo tomponandraikitra mpanara-maso miasa amin'ny seranana hatreto. Jerena amin'izany ny fananana antontan-taratasy momba ny fitantanana ny zavamananaina mifikitra amin'ny sambo andaniny ary ny taratsy firaketana momba ny sambo ankilany. Rehefa

tafapetraka kosa ny lalàna dia hisy ny fiaraha-miasa amin'ny firenena hafa amin'ny fanatanterahana izany. Efa misy orinasa koreana manana «robot» na fitaovam-pitiliana ny fanambanin'ny sambo milentika anaty rano, izay heverina hiarahiasa amintsika. Rehefa misy ny mampiahi-ahy amin'izay fotoana izay dia terena hanao fanadiovana ilay sambo na amin'ny alalan'ity «robot» ity na koa amin'ny alalan'ny SECREN ao Antsiranana.», hoy ny tale jeneraly lefitry ny APMF (Agence Portuaire Maritime et Fluvial), Maurice Tianjara.

Nanomboka omaly ity atrikasa ity ary mbola hitohy anio. Anisan'ireo mandray anjara ny avy amin'ny Minisiteran'ny Jono sy ny Toekarena Manga, ny avy amin'ny SPAT (Société du Port à gestion Autonome de Toamasina), ary ireo tompon-tsambo. Toromarika avy amin'ny amin'ny OMI no nanaovana ity atrikasa ity noho i Madagasikara tafiditra ao anatin'ireo firenena hanaovana ny tetikasa andrana, ka mety hivadika ho lalàna tsy maintsy hampihariana izany any aoriana.

R. Muray

Fitrandrahana an-tsokosoko Jabihy Teratany sinoa iray sy malagasy telo nidoboka eny Tsiafahy



Nalefa eny Tsiafahy ireo mpitrandrahana an-tsokosoko.

Tamin'ity taona 2024 ity, nahatratra 6 ireo tranga fitrandrahana an-tsokosoko Jabihy na « baobab nain » teto amintsika. Tany Ihosy, Atsimo Andrefana, Vakinankaratra, ary Antananarivo no nahitana azy ireo. Tamin'ny fiandohan'ny volana martsa 2024, teratany sinoa iray sy malagasy telo no tratra teny Ivato rehefa nikasa hanondrana an-tsokosoko jabihy 650 isa. Notazomina vonjimaika eny amin'ny fonjan'i Tsiafahy izy ireo miandry ny fotoampitsarana. Efa tambajotra mpanondrana an-tsokosoko Jabihy mihitsy ireto tratra ireto. Ny Jabihy izay voalaza fa karazan-javamaniry tsy hita afa-tsy eto amintsika kanefa manan-danja sy hinoan-dry zareo aziatika ho toy ny andriamanitra kely. Azo atao zaridaina ihany koa ary mety tafakatra hatrany amin'ny 500 dolara ny iray eo amin'ny tseña iraisam-pirenena. Nisy karazany 7 ireo tratra ary tsy misy afa-tsy eto avokoa ireo nokasaina haondrana ireo. Any amin'ny faritra atsimo no tena betsaka azy, ka anisan'izany ny faritra Ihorombe, Atsimo Andrefana, Anosy ary Androy. «Ny Minisitera dia mampatsiahy hatrany fa tsy hilefitra amin'ireo mpitrandrahana an-tsokosoko ny harena voajanahary ary manentana ny olom-pirenena rehetra ho saropiaro. Manimba ireo valanjava-boahary izao fitrandrahana izao kanefa ireo dia harena lehibe ho antsika ary mampanan'ny maha izy azy an'i Madagasikara. Mampidibola amin'ny alàlan'ireo mpizahatany ary manana andraikitra lehibe ara-tontolo iainana satria mitahiry ireo harena tsy fahita afa-tsy eto amintsika. Ny lalànan'ny CITES, migadra hatrany amin'ny 10 taona an-tranomaizina ny sazy azon'ireo mpanondrana miampy lamandy 10 hatramin'ny 100 tapitrisa Ar araka ny lalàna mifehy ny valan-javaboahary.» hoy Razafindrabe Rinah, Tale Jeneraly Haitondra ara-tontolo iainana.

Nath

Christine Razanamahasoa

" Tsy manaraka ny fenitra araka ny lalàna ny fomba nitoriana ahy eny amin'ny HCC "

Eny Ambohidahy izany izao ny mason'ny mpanara-baovao.

Araka ny efa notaterina teto dia tafapetraka teny amin'ny fitsarana avo momba ny lalampanorenana, tamin'ny talata lasa teo izany ny fitoriana napetraky ny vondrona parlementera Isika Rehetra Miaraka amin'i Andry Rajoelina (IRD), nosonivavin'ny solombavambahoaka voafidy tany amin'ny distrikan'i PortBergé, Paul Bert Velonjara. Fitoriana mangataka ny handroahana an-dRtoa Christine Razanamahasoa tsy ho solombavambahoaka izay hitohy amin'ny fanalàna azy tsy ho filohan'ny Antenimierampirenena. Fanapahan-kevitra noraisin'ny mpikambana ao amin'ny antoko IRD, taorian'ny fanambarana nataon'io filohan'andrimpan-

kajana io, nandritra ny fifampirahabana tratra ny taona, notanterahana teny Tsimbazaza, tamin'ny asabotsy lasa teo. Omaly, nitondra ny heviny mahakasika io fitoriana azy io Rtoa Christine Razanamahasoa. Nahitsy ity farany raha nilaza tamin'izany, fa tsy manaraka ny fenitra araka ny lalàna ny fomba nitoriana azy teny Ambohidahy. Araka ny fanazavany, tokony averina solombavambahoaka tsotra fa tsy Filohan'ny Antenimierampirenena aloha ny tenany izay vao esorina tsy ho depiote. Ambonin'izany, hoy hatrany izy, dia efa tsy misy mampifamatotra azy amin'ny IRD intsony satria efa nesorin'io vovonana io tsy ho mpikamban'izany intsony ny tenany tamin'ny novambra tamin'ny taon-dasa. Raha tsiahivina, fanambarana nampahafantatra ny olana sedrain'ny

vahoaka Malagasy sy ny firenena, amin'ny ankapobeny noho ny tsy fahaiza-mitantana ataon'ny mpitondra izay nambarany ho tsy nifanarahana no nataon'ny filohan'ny Antenimierampirenena ka tonga amin'izao fanonganana azy izao.

Eny Ambohidahy ny mason'ny mpanara-baovao!

Voasoratra tao anatin'ny taratasy nampitana tamin'ny filohan'ny Antenimierampirenena, rehefa tafapetraka ny fitoriana fa manana 48 ora ny tenany hiarovan-tena. Ny dikany, aorian'io fe-potoana io dia eny Ambohidahy ny mason'ny mpanara-baovao pôlitika. Ary maro ny fanontaniana manitikitika ny saina: Hihinana am-bolony ve ny mpitsara avo ka hamoaka didy hanome vahana ny pôlitika ? Tsetsatsetsa tsy aritra no ilazana fa resaky ny samy mpitsara sy mpahay lalàna

izany no hisy. Izany hoe mpitsara no ho toriana ary mpitsara ihany koa no hamoaka didy. Miainga amin'ny fanapahan-kevitra efa noraisin'Ambohidahy tany aloha, mety hitranga ve ny famerenana ny raharaha eny Tsimbazaza ka hanajana ny lalàna manan-kery alohan'ny handinihana ny votoatin'ny fitoriana. Ankoatra ireo mbola manitikitika ny saina ihany koa ny fanontaniana hoe : Fanapahan-kevitra hampilamin-javatra ve no havoaka sa ny mety hifanohitra amin'izany ? Tsy azo odian-tsy hita mantsy fa ankoatry ny maha olom-boafidy an-dRtoa Christine Razanamahasoa, tany amin'ny distrika nahalany azy sy ny maha olobe azy dia voafidin'ny solombavambahoaka zato isan-jato ny filohan'ny Antenimierampirenena, tamin'ny fotoan'androny.

Mamy R./V.R.

Siteny Randrianasoloniaiko

" Ny fanapahan-kevitra pôlitika entina amin'ny lalàna no manakorontana ny firenena "

Raha tsy nandrensam-peo nandritra ny fotoana lavalava ny depiote Siteny Randrianasoloniaiko dia nivoaka tamin'ny fahanginany ny lehilahy, manoloana ny fitoriana napetraky ny vondrona IRD eny amin'ny HCC, hana-làna ny filohan'ny Antenimierampirenena tsy ho solombavambahoaka. Pôlitika no ao ambadik'izany satria mihitsoka ny famatsiam-bola ary nanakorontana ny mpitondra izay mandohalika tanteraka amin'ny mpamatsy vola, ny fanambarana nataon-dRtoa



Ny solombavambahoaka Siteny Rndrianasoloniaiko. (Sary tahiry)

Christine Razanamahasoa, tamin'ny asabotsy lasa teo. Ny fanapahan-kevitra pôlitika entina amin'ny lalàna no manakorontana ny firenena, hoy ny depiote Siteny Randrianasoloniaiko. Efa fantatry ny mpitondra mantsy, hoy izy fa ho resy izy ireo raha notanterahina teny Tsimbazaza ny fanonganana ny filohan'ny Antenimierampirenena, antony nitondrana izany eny amin'ny fitsarana avo momba ny lalampanorenana. Antony iray hafa nandraisana ny fanapahan-

kevitra, hoy ny depiote Siteny Randrianasoloniaiko dia fantatry ny mpitondra fa manana anjara toerana manokana eto Madagasikara i Frantsa ary avy nihaona tamin'ny filoha Frantsay ny filohan'ny Antenimierampirenena. « Lalana roa ihany no azon'ny filoham-pirenena atao hivoahana amin'izao krizy izao, na miantso fifampiresahana na manao didy jadona », hoy ihany io olom-boafidy io.

V.R.

Hazakazaka ho eny Tsimbazaza

Mifapiandriandry amin'ny fanaterana dosie ireo olon'ny fitondrana sy ny mpanohitra

Nisokatra tamim-pomba ofisialy omaly, ny fanaterana ireo antontan-taratasy filatsahan-kofidiana ho Solombavambahoaka. Eny anivon'ny OVEC, rafitra mpanamarina sy mpirakitra ny filatsahan-kofidiana isaky ny distrika no hanateran'ireo maniry ho kandida izany. Tamin'ny andron'ny omaly, mbola nangingina io fanaterana antontan-taratasy filatsahan-

kofidiana io. Ho an'ny teto Antananarivo Renivohitra ohatra, mbola tsy nisy kandida nahasahy namaky sehatra na dia iray aza. Raha ny angom-baovao dia misy ihany ny olona tonga manatona ny OVEC saingy mbola tsy nametraka ny antontan-taratasy filatsaha-kofidiana ry zareo fa mbola vao manontany ireo andinindininy rehetra ilaina mahakasika an'izany

fotsiny aloha. Tsy dia mahagaga loatra anefa ny amin'ity tsy fahavitrihan'ny mpanatitra filatsahan-kofidiana ety amboalohany ity satria efa fomba fanao hatramin'izay. Tamin'izay fifidianana rehetra natao, dia miandry ny fotoana farany hatrany izay te ho kandida vao mihakazaka. Heverina ho anton'izany ny fihetsiky ny mpanao politika, indrindra ireo olon'ny mpiton-

dra sy mpanohitra mbola mifapiandriandry sy mitazana izay mety ho mpifanana aminy. Mifanidrandalana amin'izany, raha ny vaovao mandeha any ambadika any dia somary gidragidra ny fifantenana kandida ho an'ireo antoko sy vovonana goavana.

Mamy R.

Marina izany !

Malaza ratsy!

Raha taona maromaro lasa, nahasintona mpizahatany maro i Madagasikara noho ny fahaizan'ny Malagasy mandray vahiny; ny hakanton'ny tanàna; ny fisian'ireo toerana azo tsidihana manokana; ny zava-boahary sy ny biby tsy misy afa-tsy eto amintsika...Tsy izany kosa no misy fa mihena, miohatra amin'ny tany aloha ny isan'ny mpizahatany tonga eto amintsika, noho ny antony maro: fahalafosan'ny saran'ny fiaramanidina sy ny fivahinana any amin'ireny tranom-bahiny ireny miohatra amin'ny any amin'ny firenen-kafa manana ny toerany amin'ny resaka fizahantany ihany koa; ny fahasimban'ny lalana; ny fahapotehan'ny tontolo iainana; ny firongatry ny tsy fandriampahalemana; ny fitarazonan'ny fikarakarana ny antontan-taratasy takiana amin'ireo mpitsidika. Tsy izany ihany fa any ivelany any dia malaza ratsy amin'ny tranga maromaro i Madagasikara, raha tsy hitanisa afa-tsy ny kolikoly hatrany an-tampony ka hatrany amin'ny sampandraharaha any ifotony ; ny tsy fanarahan-dalàna saika amin'ny an-tanan-tohatra rehetra; ny fanaparam-pahefana; ny fandraisana fanapahan-kevitra manome tombon-dahiny ny akamakama; ny fanondranana harem-pirenena antsokosoko...Ity farany izay tsy takonz afenina satria toa manao masobe tsy mahita ny tompon'andraikitra isantokony andalovan'ireny harena sarobidy ireny alohan'ny ialàn'ny eto an-toerana, saingy inian'ny firenen-kafa avoaka kosa rehefa tonga any aminy. Tsy takona afenina amin'ny mpanara-baovao ny volamena milanja 73 kg tratra tany amin'ny seram-piaramanidin'i Afrika Atsimo ; ny volamena 49 kg tratra tany Kaomôro ; ny volamena tao amin'ny minisitera nivadika bolongam-by; ny hazo sarobidy....Trangan-javatra tokony hitadiavam-bahaolana.

Voahangy Rakotozafy

Mpandraharaha avy any Torkia

Noraisina tao amin'ny Minisiteran'ny raharaham-bahiny



Fihaonana niaraka tamin'ireo mpandraharaha tiorka tao amin'ny Minisiteran'ny Raharaham-bahiny Anosy.

Nahomby ny iraka nataon'ny delegasiônina malagasy tany Antalya Torkia. Noraisina tao amin'ny Minisiteran'ny raharaham-bahiny eny Anosy omaly ny delegasiônina misy ireo mpandraharaha tiorka. "Fitohizan'ny fanasana natao tamin'ireo mpandraharaha tiorka tany Antalya ny fihaonana anio. Efa nisy rahateo ny fihaonana tamin'ireo mpandraharaha rehetra tao Torkia tamin'ny delegasiônina malagasy. Nohazavaina sy novelabelarina tamin'izy ireo ireo tetikasampampandrosoana hahafahany misehatra eto amintsika sy manampy amin'ny fampandrosoana ny firenentsika.", hoy ny Ministry ny raharaham-bahiny, Rafaravavafika Rasata. Mpikamban'ny governemanta vitsivitsy niaraka tamin'ny EDBM (Economic Development Board of Madagascar) no nidinika tamin'izy ireo tamin'io fotoana io. Tafiditra tao anatin'ny resaka nifanakalozan'ny andaniny sy ankilany ny fijerena ireo seha-pihariana tena mpampidi-bola vahiny eto amintsika, ny faritra ara-toekarena manokana, ary ny tetikasa Tanamasoandro an'ny Filoham-pirenena malagasy. Nana-mafy ny fahavononany hampiasa vola eto amintsika sy hifanome tanana amin'ny fampandrosoana an'i Madagasikara ireto mpandraharaha tiorka ireto.

R. Muray

TSARA HO FANTATRA

Ando N. Rasolomalala mpilalao tenisy

Voahosotra tompondaka na dia tapa-tanana aza

Miori-ponenana any Montreal (Canada) i Ando N. Rasolomalala sy ny fianakaviany amin'izao fotoana izao, ary mbola manohy ny fampianarana ny taranja tenisy any amin'ity firenena any amin'ny kaontinantan'i Amerika Avaratra ity. Anisan'ny nahatsiarovana azy teto an-tanindrazana, fony izy mbola mpifaninana, niaraka tamin-dry Mamy laly Ratsifandrihamanana, ny naha tapaka ny tanany tamin'ny taona 2014. Niahiahy fatratra sy nalahelo ny lehilahy fa ho vita hatreo ny filalaovany tenisy, izay anisan'ny taranja ara-panatanjahanena tiany no sady manavanana azy. Tamin'ny fitsaboana natao anefa dia nanome hery azy ny tenin'ny mpitsabo fa mbola afaka manao tenisy tsara ny lehilahy. Rehefa sitrana soa aman-tsara izy dia niverina nanao fanazarantena, ary

nandray tamin'ny fifaninana teto amintsika. Tamin'ny taona 2015 dia tany amin'ny lalao manasadalana izy vao raraka. Niverina anefa ny heriny tamin'ny taona 2016 ka tsy namelany raha tsy voahosotra tompondakan'i Madagasikara fanintelony izy. Ando "Le Gaucher" Anisan'ny nampivavaka an'ity mpilalao tenisy ity ny fahizany mampiasa ny tanany havia, izay nanahirana ny mpifanandrina taminy mihitsy ny nihaona taminy. Ankoatra an'izany rehefa mamerimbaolina, manao "revers" izy dia ataony amin'ny tanana roa ka sahirana ny mpifanandrina aminy misakana ny baolina. Tamin'ny taona 2016 izy dia niatrika ny "Open International" ka tody tany amin'ny lalao ampahafadana. Nisafidy nanao tenisy Zanaka mpanao fanantanjahanena tamin'ny



baolina kitra i Ando. Rasolomalala Isidore ny rainy, tomponandraikitra ambony tamin'ny fitantanana ny ivon-toerana ambony momba ny fanantanjahanena teny amin'ny Oniversite Ankatso (ENIII/ EPS). Rehefa nitsahatra tsy nilalao baolina Ingahy Isidore Rasolomalala dia niandraikitra ny fitsarana ny

lalao iraisampirenena (arbitre international), ary teto amintsika ihany koa mazava ho azy. Mahatadidy tsara an'izany Isidore izany ny mpilalao kitra Malagasy. Hentitra ary tsy mitsitsy mihitsy amin'ny fitantanana lalao eny ambony kianja. Rehefa niteraka an'i Ando kosa izy dia tany amin'ny taranja tenisy no nampikotra-

niny mafy, ary dia tafavoaka ho anisan'ny mpilalao kalaza teto amin'ny firenena sy hatrany ivelany. Efa nisolotena antsika i Ando tamin'ny fifaninanana "Coupe Davis" sy ny hafa ankoatra an'izany. Ampatsiahivina fa teto amin'ny firenena dia intelo izy no voahosotra tompondakan'i Madagasikara, ary manginy fotsiny ny amboara azony tany amin'ny Section Tana Ville sy ny ligin'Analamanga. Miorim-ponenana any Montreal Ny diplaoma "International Tennis Fédération - Level 2" no nentiny nampianatra tenisy any Canada. Tamin'ity taona ity anefa dia fantatra fa haka mari-pahaizana any Toronto izy. Nambarany fa samy hafa ny "système ITF" sy ny "système" amin'ny diplaoma any amin'ny firenena ivahinia nany amin'izao fotoana izao. Entina hanatsarana ny fampianarana atao dia efa

nangataka ny hanaovana an'izany mari-pahaizana ambony izany ny tenany. Izany no atao ihany koa, hoy izy, dia ho fanatsarana ny karama raisina. Momba ny fiofanana dia misy dingana maro tsy maintsy diavina. Voalaza fa mandalo mason-tsivana maro vao mety ho voaray anisan'ny mpiadina amin'ilay fiofanana. Anisan'ny takiana amin'izany ny maha mpilalao matihanina, efa nandrafitra ny ekipampirenena, efa nitondra mpilalao niatrika fifaninanana iraisampirenena, ary ny taona nanaovana ny asa maha mpanazatra eo anelanelan'ny 5 ka hatramin'ny 10 taona, ary tsy manana olana na disadisa tamin'ny mpitan-tana ny taranja tenisy. Mino sy manantena i Ando fa ho voaray ho mpiofana izy satria fenony avokoa ireo fepetra notakiana taminy ireo.

aris rafaly

Communiqué

Orange Madagascar accompagne l'Etat pour un internet totalement ouvert

Fidèle à ses engagements forts en faveur de l'inclusion numérique, Orange Madagascar poursuit ses efforts pour permettre au plus grand nombre d'avoir accès aux bénéfices du numérique. A travers ses propositions d'offres et services, Orange Madagascar a toujours souhaité offrir un accès à un ensemble d'applications ou de contenus éducatifs et ludiques, avec la conviction que ces contenus sont un facteur clé de développement pour Madagascar.

Une étape importante vers l'égalité de traitement/la non-discrimination du trafic internet sera marquée le 1er avril 2024, par l'entrée en vigueur de nouvelles réglementations sur un internet ouvert, non limité aux réseaux sociaux.

Orange Madagascar est convaincu que les offres sans limite de contenu contribueront à réduire les inégalités d'accès au sein de la population. Des ajustements sur les offres internet, ainsi que certaines baisses de prix, seront ainsi mis en place à partir du 28 mars 2024 afin de permettre un traitement égal de l'ensemble du trafic internet.

Ces évolutions vont changer les habitudes de consommation, et nous sommes convaincus qu'elles seront rapidement bénéfiques pour l'ensemble des utilisateurs et de la population Malagasy. Elles donneront plus de possibilités aux entreprises Malagasy pour innover et se développer.

Orange continue à accompagner les entreprises et les start-up Malagasy dans leur digitalisation.



TSIPAKA

Nisy tamin'ireo mpilalao avy any ivelany "expats", sambany vao nantsoina, nanantevin-daharana ny Barea de Madagascar, niatrika an'iny "Fenêtre FIFA" iny no naneho ny hafaliany avy hatrany tamin'ny tambajotran-tserasera fa vonona tokoa hiaro ny voninahi-pireneny. Somary nahavaka saina kosa anefa ny nahita ny fanehoan-kevitra ny mpiray Tanindrazana sasany, izay mankahala ny fahatongavan'izy ireny fa hoe tsy misy ra Malagasy fa ara-taratasy fotsiny ihany.

Fanavakavaham-bolon-koditra

Miteraka ady hevitra hatrany amin'ny fiatrehan'ny ekipam-pirenentsika fifaninanana iraisam-pirenena ny fian-tsoana sy ny fangalana an' ireny "expats" ireny. Raha ny fanadihadiana natao anefa no zohina dia misy ra Malagasy tokoa izy ireny, izay avy amin'ny reniny na rainy niteraka azy. Araka izany dia ady hevitra diso ny fanilikiliana azy, izay miendrika fanavakavaham-bolon-koditra mihitsy ny fanehoan-kevitra ataon'ny sasany. Raha mainty fihodirana ilay "expats" nantsoina dia tsy miteraka ady hevitra lava be. Raha fotsy fihodirana, miendrika kosa ilay mpilalao dia tsy mihambahamba mihitsy ny mpanakiana, manenjika azy fa tsy mila "vazaha taratasy". Amin'ny fifaninanana iraisam-pirenena dia efa tsy iadian-kevitra lavareny intsony ny maha teratany na tsia ny mpilalao. Voninahitr'ilay firenena miantso azy no arovany. Raha ny momba an'ireo mpilalao "expats", niatrika an'i Burundi sy Rwanda no ambara dia tena finaritra mihitsy ry zalahy, miara-miaina amin'ny "locaux". Ankoatra an'izany dia mbola mahazo hery ihany koa izy ireny amin'ny fanohanana ataon'ny mpijery azy. Fanohanana izay midika fankatoavana amin'ny filalovana ataony ao anatin'ny Barea de Madagascar. Samy resy lahatra angamba isika, ary samy manaiiky, fa mbola tsy nisitsioka an' ireny "expats" ireny ny B12 rehefa miakatra eny ambony kianjan'ny mpilalao.

aris rafaly

PASI PASI

Razafindrainibe Harivola Marie Sarah

Efa homen-janany tombony 10m rehefa mifaninana

Nandritra ny 9 taona no tao anatin'ny ekipam-pirenena ny tenany. Betsaka ny anaram-boninahitra sy medaly azony nandritra izany. Mpilalao Handball ny vadiny fa ny taranja Lomano kosa no nataony izay nodimbasin'ireo zanany mirahalaha. Izany mpanjakavavin'ny rano teo aloha izany no hampahafantarina antsika eto amin'ny PASI-PASI anio.

Gazetiko : Anaranao feno
RHMS : Razafindrainibe Harivola Marie Sarah

Gazetiko : Firy taona dia mbola milomano ve, ao amin'ny klioban'iza?

RHMS : 57 taona. Mbola milomano, manao Masters club Managing / Manao ASIEF ekipan'ny MJS

Gazetiko : Nanomboka firy taona ianao no nilomano?

RHMS : Nilomano hatramin' izaho 13taona

Gazetiko : Azonao tani-saina ve ny palmarès efa azonao?

RHMS : 1985-1994 : Équipe nationale 1988-1993 : titres nationaux Ex détenteur de records individuel et relais

1985 et 1990 : nandray anjara tamin'ny JIOI 2 médailles d'argent 1993: JIOI : 2 médailles de bronze 1994: Field Cup Nairobi : 5 médailles d'or et 1 médaille d'argent. Championne grand fond d'Ambila 1991 Championne du grand fond de Mantsoa 1993 2004-2005: Championne de Triathlon. Octobre 2005 : Triathlon à La Réunion. Championne de la catégorie vétérans, 3e place de la catégorie Open -Championne de Mada de masters -ASIEF 2022 à Tuléar : 10 médailles d'or (9 or et 1 bronze) -ASIEF 2023 à Toamasina : 8 médailles (7 en or, 1 argent) -2004-2010: CTR Analamanga -2007-2019: Entraîneur National -2015-2019: DTN -Depuis 2004: entraîneur du club Managing. Ireo no tena tadidy

Gazetiko : Firy ny zanakao, iza avy dia milomano daholo ve. Efa nisy voantso tao anatin'ny ekipam-pirenena ihany koa?

RHMS : Mananjanaka 2 - Randrianaina Hariravo Joël. Ancien détenteur de meilleure performance 400 NL Catégorie Poussine / 2011: équipe nationale catégorie 13 taona, nandray anjara tamin'ny Meeting de l'océan Indien tany La Réunion / 2018: sélectionnée tamin'ny équipe nationale nanao stage 4 volana tany Chine/ Nanana titres nationaux tamin'ny catégorie any sy catégorie

Open. Nijanona ny 2020 fa lasa légionnaire. - Randrianaina Harifaly (Bibs) : Ancien détenteur des MP 400 NL et 1500 NL. Champion de Mada tamin'ny longue distance. Nikohizan'ny mpilomano rehetra, noho ny tanjany tamin'io courses lavalava io / champion de Mada tamin'ny grand fond de Mantsoa 2013 tamin'ny catégorie-ny/ 2017 Équipe nationale nanao ny CJSOI tany La Réunion / 2019 : Nijanona tsy nanao compétition intsony fa nivadika taranja (saxophoniste malaza ankehitriny misalotra ny nom d'artiste BIBS). Io souffle nananany tamin'ny longues distances lomano io no tena hitako hoe tsiambaratelonany amin'ilay fitsofanasax.



Tena niaina tanteraka tao anatin'ny fanatanjahantena ity fianakiviana ity.

Gazetiko : Noterena sa efa tao anatin'ny ran'ny zanakao ny Lomano?

RHMS : Tsy noterena, fa nanaraka ahy teny ambody rano teny dia lasa mpilomano koa.

Gazetiko : Ahoana izany hoe miaraka manao ny taranja Lomano nareo mianakavy?

RHMS : Misy fotoana tafiaraka manao course izahay 3 mianaka. Izaho catégorie Masters. Tena faniriako tamin'ny fiainako izany. Nefa tanteraka, Tsaroako daholo ny fotoana nandresen'izy 2 lahy ny zava-bitako. Rehefa any amin'ny vacances taloha efa ela dia manao course izahay 3 mianaka. Mbola mifanandrina tsy manaiiky resy tamin'izany fa izao

rehefa manao « defi » dia efa omen'izy ireo tombony 10m dia enjehiny
Gazetiko : Ankoatra ny Lomano inona no fialambolinareo mianakavy kely
RHMS : Ankoatra ny lomano, mijery spaoro hafa, mihirahira sy manao mozika. Ny vadiko mpanao handball fa tany amin'ny lomano no tena nahasarika azy 2 lahy, na dia niara-nilalao Handball tamin'ny dadany teny ihany aza izy. Tena fahafinaretana ilay miara-milomano. Mahafinaritra ny migoka ny hoe rehefa any amin'ny « vacance » dia miaraka mita ony, sns. Rehefa miaramilomano izahay 3 mianaka dia heverin'izy 2 lahy hoe vitako daholo ny vitan'izy ireo, na dia amin'ny taonako izao aza. Misy « défi » kely foana. Fa ankoatra izany, tena fiarahany isaky ny alahady ny mandeha mivavaka any am-piangonana.

Gazetiko : Fanentanana ataonareo ho an'ny fianakiviana mba hanao spaoro.

RHMS :Tena fahafinaretana ilay miara milomano amin'ny taranaka. Mampirisika ireo Ray aman-dReny hianatra milomano, fa hafa ihany ilay hoe taranja lomano no iarahana, indrindra any amin'ny f i a l a n - t s a s a t r a . Fahafinaretana be ilay miara-mifaly anaty rano, fa tsy ilay ataon'ny olona mpiambina entana fotsiny. Mampitombo ny « complications » amin'ny taranaka koa ilay fiarahana manao spaoro.

Rabenaivo

Judo - Mada 2024

Mpikatroka hatramin'ny 419 no mifaninana etsy Ankorondrano

Nanomboka omaly ary hitohy anio etsy amin'ny kianja mitafon'Ankorondrano, ny fiadiana ny tompondakan'i Madagasikara 2024, ho an'ny taranja Judo. Judokas hatramin'ny 419 no miatrika izany avy amin'ny klioba 9. Nambaran'ny filohan'ny federasiona, Said Eric Bruno, fa betsaka ireo mpikatroka tamin'ity ary ny tena nahafinaritra indrindra dia tonga niatrika izany Ligim-paritra zandriny indrindra dia ry zareo Atsimo Atsinanana izany.

Grand slam

Tsy anisan'ny handray anjara amin'ity fiadiana ny Tompondakan'i Madagasikara ity moa ny nomerao1 Malagasy, ramatoakely Rasoanaivo Laura, ho an'ny latsaky

Tsy mandray anjara i Laura, izay hiatrika grand slam, sy ny fiadiana ny tompondakan'i Afrika ary ny fiadiana ny tompondaka eran-tany.

ny 70 kilao. Ny faran'ny herinandro izao izy no hiatrika ilay « grand slam » tantarana any Antalya Torkia. Ankoatra izay, tsy maintsy mandray anjara amin'ny fiadiana ny tompondakan'i Afrika, atao atsy Le Caire (29 avrily) izy mialoha ny hiatrehana ny fiadiana ny tompondaka eran-tany any Abu Dhabi (18 may). Mbola tsara toerana moa izy, izay laharana faha-5 amin'ireo 12 mirahavavy miady ny tapakila. Ilay atsy Le Caire ihany koa dia tsy afaka ialàna satria 700 be izao ny isa ho an'ny tompondaka.

Dojo Nasionaly !

Anisan'ny vaovao lehibe koa ny nambaran'ny filohan'ny federasiona, fa higadona ao amin'ny seranan-tsambon'i Toamasina amin'ny 11 avrily izao, ireo fampitaovana apetraka ao amin'ny Dojo Nasionaly. Ny olana, tsy mbola manana « acces » ao amin'ny Dojo Barea izahay, hoy ingahy Said Bruno Eric, ka tsy fantatra hoe apetraka aiza ireto fitaovana ireto, izay ahitana Tatamis sy fitaovana fanabokonana hozatra. Notsiahiviny, fa fampantanenana nataon'ny filohampirenena io, taorian'ny fanohanana ny ambasadin'i Japon ny federasiona hanolotra fampitaovana ny Dojo Nasionaly.

Rabenaivo

Avy hatrany dia tsy nifampitsitsy ireo judokas omaly.



Avy hatrany dia tsy nifampitsitsy ireo judokas omaly.

Kitra - " Fenêtre FIFA "

Nandray ekipa 16 niatrika ny fifaninanana i Maroc

Nifarana ny lalao fanomanantena iraisam-pirenena tafiditra ao anatin'ny " Fenêtre FIFA ". Ankoatra an'i Madagasikara, nampiantrano ny ekipam-pirenena'i Burundi "Les Hironnelles" sy Botswana "Les Zèbres" ary Rwanda " Les Guêpes", dia i Maroc no firenena nampiantrano mpifaninanana betsaka indrindra tamin'ity taona ity. Mahatratra 16 ny isan'ny ekipam-pirenena miatrika lalao 18 any Rabat. Eran-tany dia anisan'ny fifaninanana narahin'ny mpankafy kitra maro ny fihonana teo amin'i Angletera, izay nampiantrano an'i Bresil tany amin'ny kianjan'i Wembley. Tamin'ny isa tokana 1 no ho 0 no nampiondrehan'ny Seleçao braziliiana ny tompon-trano, baolina tafiditr'i Endrick teo amin'ny faha-80 minitra nilalovana. Nambaran'ny mpanaraka kitra fa anahirana ny mpifanandrina aminy ity ekipam-pirenena'i Bresil ity. Nanaitra ny sain'ny maro kosa ny nandresen'i Colombia 1 no ho 0 an'i Espagne tamin'ny baolina nampidirin'i D. Munoz (61 mn).

aris rafaly

Pejy manokana

Ny fetin'ny paska sy ny chocolat

" Tsy misaraka ary efa misy amin'ny endriny maro samihafa " hoy i Assia Rajaona

Tsy afa-miala amin'ny resaka chocolat ny fetin'ny paska. Hita amin'ny endriny maro samihafa izany ka anisan'izany ny atody, bitro sy ny maro hafa. Tanora mpanao chocolat, mbola vao mihary mihitsy no hizara ny traikafany sy ny lalana nizorany. Mandeha be mihitsy ny tsehan'ny chocolat ary efa betsaka rahateo ireo orinasa madinika miezaka manatsara ny tolotra.

Gazetiko: Nianarana manokana ve sa nolovaina tamin'ny ray aman-dreny ny fanaovana chocolat ?

Assia Rajaona: Nipetraka tany amin'ny faritra avaraty ny Nosy izaho sy ny Ray aman-dreniko taloha, faritra Antsiranana sy Nosy Be Hellville iny nandritra ny folo taona. Rehefa vanim-potoanan'ny fialantsasatra dia mankany Ambanja sy Sambirano. Ambanja moa no toerana foibe tena mpamokatra " cacao" raha eto Madagasikara. Eny an'alan'ny " cacao" izahay no milalao manao fanenjika tamin'izany. Tena nahaliana ahy ny mom-bamomba ny " cacao" hatramin'ny fahazazako. Tamin'ny 2018 aho no liana tamin'ny fianarana sakafo, ary tao anatin'ny programan'ny fiofanana nataoko ny fianarana ny chocolat. Nanao fanamafisana aho tamin'ny taona 2023.

Gazetiko: "Oeuf de Pâques" misy dikany manokana ve ho anao ?

Assia Rajaona: Ny fifanolorana ny "oeuf de Paques": fomba iray tany



Assia Rajaona, mpanandraharaha amin'ny fanaovana chocolat.

amin'ny Antiquité moa io, dia narahin'ny taranaka vazaha taty aoriana. Noraisin'ny kristiana moa izany rehefa vita ny Karemy ka eo no fotoanan'ny fifanolorana atody. Ny atody moa dia manamarika ny fitohizan'ny taranaka. Mitory fihavanana sy fitiavana ny fanomezana

izany eo anivon'ny fiarahamonina sy ny fianakaviana. **Gazetiko: Karazany ohatry ny ahoana daholo ny chocolat ataonareo?**

Assia Rajaona : Manao chocolat noir izahay, ilay 100%, ny tahan'ny " cacao" ao anatin'ny, tena mangidy ny tsirony. Ireo diabetika no

tena mpanafatra an'iny. Mahakasika ny " au lait" indray, dia 70% sy 63% no fanaonay. Tsara tsiro izy io sady betsaka no mpankafy azy. Ny " blanc" indray, izay 38% ny tahan'ny " cacao" ao anatin'ny, fa ny beurre de cacao sy ronono no mameno azy. Ny " assortiment" na ilay

"sesika" atao ao anatin'ny moa dia vokatry eto Madagasikara ihany koa, toy ny " noix de cajoux" (mahabibo), ny confiture isan-karazany, ny " fruits confis", sy ny maro samihafa, arakaraky ny hetahetan'ny mpanjifa eo. Raha ho anay manokana dia isaky ny fety ihany no manao azy. Mandray komandy ihany koa raha misy lanonana ankafaliana toy ny Soratra sy Mariazy ary "soutenance de mémoire". Ny akora rehetra ampiasaina rahateo dia hafarana avy any Ambanja avokoa. Sokolà artisanaly ny anay, tsy mampiasa loko (colorant) ary tsy mampiasa fitehirizana fa tena biologika. Fanta-daza manerantany moa ny hatsaran'ny kalitaon'ny " cacao" eto Madagasikara satria manana toetr'andro mifandraika amin'ny fomba faniriny i Madagasikara. Ny " cacao" dia tsy maintsy ialofan'ny hazo be maniry eo amboniny mba tsy ho mivantana loatra ny fiante fan'ny orana eo aminy. Mbola tsy mihoatran'ny zato kilao isaky ny fety aloha izahay hatreto.

Nath

Atody

Tsy afa-misaraka amin'ny Paska ihany koa

Manan-tantara eo amin'ny fankalazana ny Paska ny atody. Mariky ny fiainana sy ny fihavaozana ny atody tany aloha elabe tany. Ny an-dry zareo Egyptiana ohatra dia misy ny fifanolorana atody voaravaka ho fanamarihana ny fahatongavan'ny lohataona. Raha eo amin'ny finoana kristiana kosa dia midika ho fitsanganan'i Kristy tamin'ny maty, izay nivoaka ny fasana nandevana azy toy ny fivoahan'ny akohokely amin'ny korany. Hatramin'ny taonjato faha-17 dia noraran'ny fiangonana ny fihinanana atody mandritra ny karemy. Manana fotoana hanatodizana ny akoho mandritra io fotoana io, ka angonina atao fifanolorana amin'ny Paska. Tany amin'ny "Moyen Age" dia manolotra atody miloko ranom-bolamena amin'ireo manodidina azy ireo mpanjaka. Anisan'



ny nitana io fomba io ohatra ny mpanjaka frantsay Louis XIV. Araka ny tantara noforonina tany aloha be tany dia mangataka ny

hanolorana azy ny atody lehibe indrindra eo amin'ny fanjakana ny mpanjaka masoandro, ary amin'ny andron'ny Paska no hana-

masinany sy hizarany ireo atody voaraka volamena ho an'ireo manodidina azy. Ankehitriny, mbola misy ireo firenena manohy ny fomba

fifanolorana atody maroloko toy ny any amin'ireo firenena Slaves. Ny tany Eôropa Atsinanana ohatra dia efa niova tsikelikely ho lasa atody sôkôla nanomboka tamin'ny taonjato faha-18 ary lasa nahazo vahana be izany tamin'ny taonjato faha-19. Efa ela no nahatongavan'ity kolontsaina vahiny ity teto Madagasikara. Ny any antsekoly no tena mbola mivohy ny fifanolorana atody maro loko mialohan'ny fialantsasatra ny Paska. Efa marobe koa ireo mpamokatra sôkôla amin'ny endrika atody rehefa amin'ny fetin'ny Paska toy izao. Ary matetika miakatra foana ny vidin'ny atody rehefa amin'ny fotoan'ny Paska ary tena mitombobe ny fanjifana ireo atody miendrika sôkôla.

Nangonin'i R. Muray

Paska

Fototry ny finoana kristianina

Fankalazana ny nitsanganan'i Jesoa Kristy tamin'ny maty ny fetin'ny Paska. Fototry ny finoana kristianina izy satria raha tsy nitsangana tamin'ny maty i Kristy dia foana ny finoantsika. Araka ny fanazavana nentin'ny Mopera Fialiana, hialohavan'ny 40 andro ny fanomanana ny paska ka manomboka amin'ny alarobian'ny lavenona izany fotoana izany. Misy ny karemy ataon'ny kristianina, fifadian-kanina sy fanaovana ezaka manokana miala amin'ny fahazaran-dratsy. Indro entina amintsika àry ireo dingana rehetra lalovana mandritra ny fanomanana ny paska.

Alarobian'ny lavenona : Ny lavenona dia manambara fibebahana sy fiomanana amin'ny fialana amin'ny ratsy, famolahantena hiverenana sy hitodika amin'Andriamanitra.

Alahadin'ny sampankazo: Manomboka eo amin'ny alahadin'ny sampankazo ny fotoanan'ny herinandro masina ho an'ny finoana katolika. Ny sampankazo dia ankalazana ny nidiran'i Jesoa tamin'ny fomba manetrike-trika tao Jerosalema nandeha nanatanteraka ny sitrapon'Andriamanitra. Manofaofa tanana na miaraka amin'ny sampankazo ny kristianina.

Herinandro masina : Misy ny lamesa isan'andro mandritra ny herinandro masina izay fankalazana ny nidiran'i Jesoa tao Jerosalema sy i Jesoa kristy maty. Mikaonfesy ny ota rehetra natao mialoha ny hidirana amin'ny herinandro masina. Misy ny hateloana masina izay manomboka ny alakamisy sy zoma ary sabotsy masina. Ireo no fototry ny finoana ho an'ny katolika. Fotoana namoronan'i Jesoa ny Eokaristia ny alakamisy masina ary niarahany nisakafy tamin'ireo mpianany. Ny zoma masina indray no fankalazana ny nijalian'i Jesoa. Amin'io fotoana io ihany koa no iainan'ny kristianina katolika ny lalan'ny hazo fijaliana izay zavatra niainan'i Kristy, nilanja ny hazo fijaliana hatreny amin'ny tampon'i Kalvary. Ny sabotsy masina kosa no nitsanganan'i Kristy tamin'ny maty, efa fasana tsy misy azy intsony no hita satria efa nitsangana tamin'ny maty i Jesoa. Ny alahadin'ny paska kosa no fety fankalazana ny nitsanganan'i Jesoa Kristy tamin'ny maty.

Nath

Pejy manokana

Paska

Fety voalohany araka ny litorjika Krisitiana

Ny teny hoe Paska na Paka dia avy amin' ny teny latina hoe " Pascha " vakina hoe: Paska izay azo avy amin' ny teny grika hoe Paskha, izay avy amin' ny teny Arameana hoe " Paskha " sy ny teny Hebreo hoe " Pesakh " midika hoe: "mandalo eo ambony". Io teny io dia nenti-nanondro ny fety Jiosy izay ahatsiarovana ny fivoahan' izy ireo avy tany Egipta.



Famaritana ny datin' ny Paska

Andro Alahady eo anelanelan'ny 22 Marsa ka hatramin'ny 25 Avrily ny andro ankalazana ny Paska. Amin' ny ankapobeny dia tsy mitovy ny andro ankalazana ny Paska ho an' ny Kristiana tandrefana izay mampiasa ny tetiandro Gregoriana sy ny Kristiana Tatsinanana izay mampiasa ny tetiandro Joliana. Efa voafaritra avokoa ny daty hankalazana ny Paska hatramin'ny taona 2030 raha araka ny Tetiandro Gregoriana. Ho an'ny taona 2025 dia ny 20 avrily no hankalazana azy, amin'ny 2026 dia ny 5 avrily, 28 Marsa amin'ny taona 2027, 16 avril ny taona 2028, ny 1 avrily ny taona 2029 ary 21 Avrily no hankalazana amin'ny taona 2030.

Fety voalohany araka ny litorjika Krisitiana

Ny Paska no fety voalohany ankalazaina araka ny tetian-

dro litorjika kristiana (na taom-piangonana) nanomboka tamin' ny taonjato faha-2. Tsarovana amin' izany ny fiaraha-misakafo farany sy ny fijalian' i Jesoa ary ny fitsanganany ho velona. Samy manana ny fomba fankalazany ny fetin' ny Paska ny fiangonana tany aloha. Ny sasany amin' ireo Rain'ny Fiangonana dia nankalaza ny Paska Kristiana tamin' ny andro ankalazana ny Paska Jiosy, indrindra ireo fiangonana Siriaka izay manaraka ny fomba tranainy. Ireo tao amin' ny Fiangonan' i Roma kosa dia nankalaza ny Paska amin'ny Alahady manaraka ny Paska Jiosy, ka mampisongadina ny Fitsanganan' i Jeso tamin' ny maty ny ampitson' ny andro Sabata. Ny Fiangonana Loterana, Fiangonana Katolika Romana sy ny Fiangonana Ortodoksa dia mankalaza ny Paska kristiana.

Fiangonana mankalaza Paska amin' ny 14 Nisana

Nisy ny vondrona mpivavaka sasany izay nisafidy ny hankalaza ny Paska kristiana mifanaraka amin' ny datin' ny Paska Jiosy, izany hoe amin' ny faha-14n' ny volana. Nisana izany ho an' ny Fiangonan' Andriamanitra (Andro Fahafito) sy ny sasany amin' ireo Batistan' ny Andro Fahafito. Ny Vavolombelon' i Jehovah manokana dia tsy mankalaza Paska fa mankalaza ny ataony hoe Fahatsiarovana (Memorial). Ny nisaina dia volana voalohany amin'ny tetiandro hebreo ampiasaina amin' ny fivavahana jiosy (jodaisma) izay anarahana ireo andro firavoravoana ao amin' io fivavahana io. Volana fahafito kosa izy ao amin' ny tetiandro hebreo ampiasain' ny olona andanandro ivelan' ny fivavahana, ka raha miampy volana fahatelo ambin'ny

folo ny taona hebreo dia volana fahavalo ny Nisana. Isan'ny volana amin'ny lohataona ny Nisana izay misy telopolo andro. Eo amin'ny volana Marsa na Avrily ao amin'ny tetiandro gregoriana ny volana Nisana. Ny teny nogasina hoe Nisana dia avy amin'ny tenyhebreo hoe « Nisan ».

Ny Quakers sy ny Kongregasionalista ary ny Presbiteriana

Ny Fiangonana Protestanta sasany kosa indray dia nanana ny fomba fandraisany izany fety izany, dia ireto: ny ankamaroan' ny Anabatista, ireo atao hoe Quakers ny Kongregasionalista, ny Presbiteriana milaza tena ho mpandala ny madio dia mihevitra ireo fankalazana ireo ho zavabetaveta. Raha ny fomba fanaon' ny fiangonana na ny fankalazana fety iray no tsy voasoratra ao amin' ny Baiboly, izany fomba na fankalazana izany dia tsy maintsy ho zavatra noforonina taty aoriana ary tsy tokony ho raisina ho fomba na finoana kristiana marina, noho izany dia tokony ho heverina ho tsy misy ilana azy na fahotana mihitsy aza.

Ny Restored Church of God

Ny antokom-pivavahana sahala amin' ny Restored Church of God na ny "Fiangonan' Andriamanitra Nohavaozina" dia tsy manaiky ny fankalazana ny Paska, satria ataony fa avy amin'ny fomban'ny mpanompo sampy izay mankalaza ny fetin' ny lohataona noraisin' ny Fiangonana Katolika


Romana izany.

Ny Anarana Masina sy ny Fiangonana Velon' Andriamanitra

Ny Kristiana sasany dia mahatsapa fa ny Paska dia zavatra tokony ho heverina amin-kafaliana: tsy fanamarihana ilay andro ihany, fa fahatsiarovana sy firavoravoana amin' ilay zavaintranga tsy ho hadinoina, dia ny fahagagana ny amin' ny nitsanganan' i Kristy ho velona. Noho izany, izy ireo dia mampianatra fa ny andro

tsirairay sy ny sabata rehetra dia tokony ho masina avokoa, ao amin' ny fampianaran' i Kristy. Ny Hebreo-Kristiana, ny Anarana Masina (Holy Name), ary ny antokom-pivavahan' i Armstrong (sahala amin' ny Fiangonana Velon' Andriamanitra (Living Church of God) dia tsy manaiky ny Paska kristiana fa mankalaza kosa ny Paska Jiosy amin' ny 14 Nisana

Nangonin' i Tiaray R



Sarisary zary tenany

Kambana **Hatsikana an-tsary** Tany amin'ny Dezera



Masoandro iposaka
MARKA 14 : 22-23
 Ary raha mbola nihinana izy, Jesosy nandray mofo; ka nony efa nisaotra, dia novakiny ka natolony azy ary nataony hoe: Raiso, ity no tenako. Dia nandray kapoaka izy, ka nony efa nisaotra, dia natolony azy; ka dia nisotroan'izy rehetra izany.

Indray mipika

NY MATSTOKY NENTY-MANDRARA FA NY MALATRAPO NAMPILANDRASIN-TRANO

Nanantontosa ny pejy

Nil : Tel: 033 07 465 05

Tantara mitohy **mpirahalahy**

EFA BETSOKA MIHINISY NY ZAVATRA MOMPY ASO NY LOHAKO ZAO HADINOKO HATRAMIN'LE LE USB ...

TRIIING! RIIINBO!

IZA KOA ARY TU MIANTSO ITY ...

HAN... TOA NY ANA BAVIN IZAY ZALAHY ITY IZANY A...

DE DONA TONGA ALOHA VE NEFA NY TETIKA HISAMBO RANA ARY TSY MBOUS NOMANIKO AKORY... LETY E INOANA ZANY NO HATROKO MIALOHA IS HO VOTSITRA TY ZAY VAO HO VOTSIDRA ETW AHO...

Chabolana

Ny varavarana no anton'ny trano; ny vavahady no anton'ny vohitra; ny kiady no anton'ny saha.

Sans portes il n'y a pas de vraie maison; sans portail, il n'y a pas de village; sans perche (de défense) il n'y a pas de champ.

Sudoku Fenoy isa 1 hatramin'ny 9 ny banga. Aoka tsy hiverina ny isa isaky ny andalana na ao anaty faritra efajoro.

Laharana 3208

		5						
6	7		4					9
	4	8						7
1					3			
			2		5			
	5			6		2	4	
	9			1		5		
	2		7					8

Valin'ny laharana 3207

8	9	1	4	7	6	5	3	2
7	5	6	3	2	1	8	9	4
2	3	4	8	9	5	7	6	1
1	4	3	7	5	9	6	2	8
5	7	8	6	4	2	3	1	9
6	2	9	1	3	8	4	5	7
3	1	5	2	8	7	9	4	6
9	6	7	5	1	4	2	8	3
4	8	2	9	6	3	1	7	5

HOTSAKOTSAKOINA

"Izay rehetra tianao hataon'ny hafa aminao no aoka hataonao amin'ny manodidina anao."
Ny Vetso (15.10.16)
("Ne fais pas aux autres ce que tu ne voudrais pas qu'on te fasse.")

Raiamandreny maromaro

Miantso ny hifandaminan'ny samy malagasy



Ampahany tamin'ireo Raiamandreny tazana teny Tsimbazaza omaly.

Manoloana ny toe-draharam-pirenena mafamapana ankehitriny. Raiamandreny maromaro indray no tonga nanao fanambarana teny Tsimbazaza omaly, niantso ny hifandaminan'ny samy malagasy. Notsiahivin'izy ireo, fa « Tany misy olobe tsy miady zaza ». Nijoro ho mpampihavana ny zaha-drazana rehetra na ny ao amin'ny fitondrana, na vahoaka tsy mandady harona, na mpiasam-panjakana, na miaramila na ny mpivavaka, sns. Nanao antso avy ny raiamandreny avy any amin'ny «Triangle du Nord» ny mba hifandaminan'ny samy malagasy fa tsy hisaritaka lava izao. « Tokony hifandamina, fa tsy hifandrafy amin'ny hevitra tsy mitovy satria hanavotra ny firenena no tanjona. » hoy izy ireo satria efa tafalatsaka anaty fahantrana laina ny firenena.

Nangonin'i Niry R.

Tsiarahy

Fiara sy môtô nifandona, olona iray naratra

Nisehoana lozam-pifamoivozana afakomaly tokony ho tamin'ny 4 ora tolakandro tany amin'ny lalam-pirenena fahafito iny, PK 17+800 tany amin'ny toerana antsoina hoe Ambatofierana ao anatin'ny fokontany Ankorondrano kaominina Tsiarahy. Fiara mazda iray sy môtô scooter no nifandona tamin'io fotoana io ka olona iray no naratra vokat'izany. Tany amin'ny fiolanan-dalana no nifandona ilay fiara sy ilay môtô nifanana taminy. Ity farany izay avy any Antananarivo hihazo an'Ambatofotsy. Nianjera ilay môtô ary naratra ilay mpitondra azy. Ankoatra izay dia nahitana fahasimbana io kodiaran-droa io.

T.H

Gazetiko

Novokarina sy natontan'i
MIDI MADAGASIKARA S.A.
Sosaity tsy anavahana anarana
manana renivola
Ar 37 452 000
Tale jeneraly :
Jeremy RABESAHALA
Talen'ny Fanoratana :
Lucien RAHARISON
034 34 697 06
Talen'ny Famoahana sady
Tonian'ny Fanoratana :
Herivonjy RAJAONAH
034 34 697 10
Biraosy fandraharahana :
Lalana Ravoninahitriniarivo
B.P. 1414 - Antananarivo
Tél : 038 34 344 34
Fax : 022 273 51
e-mail : midigazetiko@gmail.com
D.L.I : 16 610 - 03 - 24
Isan'ny natonta : 25 000

Nahandro

Cuisse dame

Zavatra ilaina : lafarina 500g,
atody 2, siramamy 150g, ronono
1kaopy, levure chimique
1/2fonosana, menaka 3sotro.
Fikarakarana azy : Kapohina
ny atody atao mandroatra
tsara. Alefa tsikelikely ny siramamy
sy ny menaka dia kapohina
hifangaro tsara. Alefa ihany
koa ny ronono sy ny lafarina
ny ny leviora. Rehefa mifangaro
tsara dia haroina amin'ny sotra
hazo mba hahazo bolabola. Avela
hilona mandrina ny atsakadiny eo.
Rehefa izany dia bolabolaina
tsikelikely ary atao mahazo
endrika lavalava avy eo. Rehefa
vita izy rehetra dia avela hipe-
traka 20minitra eo indray
mialohan'ny hanendasana azy.
Avela hafana tsara ny menaka
vao endasina. Rehefa mahazo
loko dia vita. Mazotoa homana!

MANAMPY ANAO

Permanences
23 mars au 29 mars 2024

PHARMACIE DE GARDE

ANTANANARIVO 24H/24H et 7/7

- 67HA - face Eglise Luthérienne - 020 22 253 61
- VOLAHANTA - Anosibe près du rond point vers
Soanierana - 020 22 355 09/034 24 334 86
- NANISANA - Nanisana ladiambola arrêt bus sapin
032 03 520 29/034 05 750 29
- AMBANIDIA - 020 22 255 50/033 05 255 50
- MAHAVOKY - Andraovohangy 020 22 255 51/
034 89 056 09
- IARIVO - Anolakely en face Institut d'hygiène sociale
020 22 224 26/020 22 699 19/034 16 326 06

PÉRIPHÉRIE d'ANTANANARIVO 24H/24H et 7/7

- Andoharanofotsy - 032 05 479 84 / 034 20 479 84
- Grazia - Itaosy - 034 67 733 62
- Anosizato - 020 22 631 43
- Ambohiboo - 020 22 482 64
- Avaradrano - Analamahitsy - 020 22 423 65
- Ambohitsy - 020 22 528 21 - 033 01 551 31 -
034 36 580 94

- Soleil - Andrononobe - 034 20 356 51
- Hasin'ny Aina - Mandrosoza - 034 99 776 21
- Ivato - 020 22 442 95
- Ambohidratrimo - 034 29 358 45
- Jade - près Horizon Ivato - 034 87 340 94
- Sabotsy Namehana - 034 88 001 03
- Amboara - Anosizato - 034 52 610 64
- Ambohimahitsy - 034 33 304 17 / 034 95 882 30
- Ambohimangakely - 034 25 372 52
- Fenoarivo - Fenoarivo Alakamisy - 034 33 161 75
- Fitiavana - Ankadikely - 020 22 436 33
- Amoronakona By Pass - 034 36 115 15
- Palais - Mandrimena lavaloha - 032 42 713 67
- Ankadindratrimo - 032 82 588 02/034 02 588 02
- By Pass Alasora - 032 12 525 25 / 034 98 525 25
- Abondance - Ifarify Ankarabato - 034 75 214 36
- S Namehana - Sabotsy Namehana - 034 81 689 47
- Mitondrasoa - Fenoarivo - 034 01 707 07
- Bongatsara - Bongatsara lavaloha - 034 07 742 23
- La Colombe - Itaosy - 034 60 396 61 / 033 64 280 42
- Soa Ny Aina - Tsarahonana - 034 31 018 20
- MA Pharmacie - Ambohitana - 032 11 102 11
- Ankarabato en face CSBII - 034 64 330 62

A.M.I.T.

BEHORIRIKA TEL 22 303 83 / 22 383 52
ANTANIMENA TEL 22 303 86
TALATAMATY TEL 22 588 51
ANKADIMBAHOAKA TEL 24 819 81

AMBULANCE

- SERVICE DES URGENCES MPITSABO MIKAMBANA
TEL : 0349023555 / 0334823555
- AMBULANCE MUNICIPALE TEL 22 200 40 /
033 65 333 22 / 033 65 444 22 / 033 65 555 22
- AMBULANCE POLYCLINIQUE D'ILAFY 24/24
TEL 22 425 66 / 22 425 69 / 22 425 73
- MEVA MEDICALE SERVICE TEL 033 11 195 33 /
032 04 922 69
- CDU (Centre de diagnostic et d'urgence médical)
TEL 22 329 56 / 032 07 822 28 / 033 11 822 28
- AMBULANCE CLINIQUE DE TANJOMBATO
TEL 033 11 313 85
- MATERNITE MARIES STOPES AVADOHA
TEL 22 418 36 / 032 07 418 36 / 033 11 094 11
- CENTRE MEDICAL ANDRINDRA MIANDRARIVO
AMBANIDIA (MANAKAMBAHINY) TEL 020 26 057 94 /
03316 057 94 / 034 20 057 94 (24h/24)
- CARE & MEDICAL ASSISTANCE HOSPITAL - 22 200 32 /
034 40 389 05 / 033 12 836 60 / 033 15 836 60
- AMBULANCE ET URGENCE CRTM - 01 -
034 01 015 55 / 032 07 255 52

" Forum National Mini-basket 2024 "

Mpanabe zaza madinika tamin'ny ligy 7
nahavita fiofanana

Tsy moramora ny mitaiza mpilalao madinika (Sary a.r)

Tao anatin'ny roa andro misesy no nanaova ny Zaikabem-pirenena ho an'ny Zaza madinika tamin'ny taranja basket-ball, fantatra amin'ny hoe "Forum National Mini-basket" andiany faharoa, teny amin'ny lapan'ny fanantanjahantena sy Kolontsaina Mahamasina. Nahatratra 133 ny lalao isan'ny delegasionany niatrika ny fiofanana, izay nahitana mpanabe sy ankizy mpilalao latsaky ny 12 taona. Isantaona no hanaovana ny fampiofanana entina hanentanana ny ankizy ho tia ny taranja basket-ball. Araka izany dia tsy fifaninanana no ampanaovina azy ireo fa fampahafantarana dieny mbola

kely ny fototra amin'ny filalaoavana an'ity taranja ity. Toraka izany koa teo amin'ireo mpanabe nampiofanina mba tsy hanao kitoatoa amin'ny fitaizana an'ireny ankizy mpilalao ireny. Marihina fa Vaomieran'ny Mini-basket ao anivon'ny FMBB, tarihindRtoa Onja Soloharinivo, no tompon'antoka tamin'ny fikarakarana an'ity Zaikabem-pirenena ity. Miara-miasa tamin'ny fampiofanana natao ny mpanazatra isany Andry Andriamampandra sy Helina Randrianjatovo, izay samy mpitantana klioba avokoa. Anterina fa efa nahazo fiofanana tamin'ny FIBA izy ireo, ary mampita ny traikefany amin'ireo tanora

namany. Araka ny fanamarihana natao dia tsy fifaninanana no natao tamin'ny Zaikabem-pirenena fa fihaoana sy fifanakalozan-kevitra ary fifampizarana ny fahaizamao an'ity taranja ity. Taorian'ny fanamarihana ny fiofanana dia notoloran'i Jean Michel Ramatoson "Mika" amboara avy ny ankizy nandray anjara rehetra. Ny mpanabe koa tsy adino fa nahazo fitaovana, entiny hanofanana ny mpanazatrany any amin'ny ligim-pariny avy. Ilaya tokoa ny fanofanana ifotony ny mpilalao sy ny mpanabe azy ireny, izay tsapa fa tsy ampy amin'ny mpitantana taranja ara-panatanjahantenasasany. **aris rafaly**

TELEFAONINA ILAINA

HOPITAUX ET CLINIQUES

- CLINIQUE MPITSABO MIKAMBANA 24/24 ROUTE DE L'UNIVERSITE AMPASANIMALO
TEL : 034 90 235 55 / 033 48 235 55
- CLINIQUE REINE MARIE - 4 RUE JOSEPH RAMANANDRAIBE - IMMEUBLE RALISON - ANTANIMENA - OUVERTURE 24h/24 Tél. : 034 20 239 72
- CENTRE HOSPITALIER DE SOAVINANDRIANA (HOMI) EX-GIRARD ET ROBIC TEL 23 397 51
- HOPITAL JOSEPH RAVOAHANGY ANDRIANAVALONA (HJRA) TEL 033 11 890 58 / 22 279 79
- HOPITAL JOSEPH RASETA BEFELATANANA TEL 22 223 84
- CLINIQUE MEDICO-CHIRURGICALE IMAHO ANALAMAHTSY TEL 034 01 651 99 / 033 03 875 61 / 032 04 680 06
- CLINIQUE MEDICO-CHIRURGICAL ST PAUL AMBATOROKA TEL 034 71 394 95 / 034 45 076 23 - MEDICAL SERVICE CLINIQUE MEDICO-DENTAIRE LOT IVR 20 ANTANIMENA (24/24) TEL 22 641 93
- CROIX BLEU DE MADAGASCAR SIEGE ANTANINANDRO - PROBLEME D'ALCOOLISME ET DE TOXICOMANIE TEL/FAX 22 324 59 / 22 634 62 / 033 11 442 77 / 032 07 545 30
- MARIE STOPES INTERNATIONAL MATERNITE CLINIQUE LOT II P 136 BIS AVARADOHA TEL 22 418 36 / 033 11 084 11
- CLINIQUE ET MATERNITE ST FRANCOIS ANKADIFOTSY - TEL 22 235 54
- POLYCLINIQUE D'ILAFY AMBOHITRAHABA (24/24) TEL 22 425 66 / 22 425 69 / 22 425 73 /

033 11 073 91 / 032 07 243 28 / FAX 22 425 64
- TOBIM-PITSABOANA LOTERANA AMBOHIBAO (HOPITAL LUTHERIENNE) TEL 22 441 88 / 22 485 17 (24/24)
- CENTRE DE SANTE BEHORIRIKA TEL 22 641 28 / 22 603 63 / 033 11 458 48 / 032 07 409 38
- CLINIQUE MEDICO-CHIRURGICALE DE TANJOMBATO - LOT III A 42 - TEL 22 571 94 / 033 11 058 00
- PAVILLON SAINTE FLEUR CENTRE HOSPITALIER UNIVERSITAIRE JOSEPH RAVOAHANGY ANDRIANAVALONA AMPEFILOHA - TEL 22 661 04 / 22 663 93 FAX 22 660 82
- CENTRE DE SANTE SAINT MICHEL ANDRAVOAHANGY TEL 033 16 028 62
- CARREFOUR MEDICAL AMPARIBE (Médecine générale) LOT VH 39 BIS TEL 22 651 59 (7j/7 - 24h/24)
- CENTRE MEDICAL AMBATOMENA (IMMEUBLE SICAM ANALAKELY) TEL : 22 211 70
- CENTRE MEDICAL ANDRINDRA MIANDRARIVO AMBANIDIA (MANAKAMBAHINY) - TEL 020 26 057 94 / 03316 057 94 / 034 20 057 94 (24h/24)
- CENTRE MEDICAL COLISEUM TEL 034 03 847 39 - 032 99 286 69 (7/7 - 24H/24)

ESPACE MEDICAL / SOS Médecins

- AMBODIVONA TEL 22 625 66 / 034 02 088 16 / 034 02 00 911
- CARE & MEDICAL ASSISTANCE HOSPITAL
- IMMEUBLE OSTIE ANOSIBE 1er ETAGE TEL 22 200 32 / 034 40 389 05 / 033 12 836 60 / 033 15 836 60

AROVY CLINIC

ATRIUM ANKORONDRANO
Urgences : 032 23 217 17 (24/24 - 7/7)

POMPIERS


- TSARALALANA TEL 18 / 118 (Airtel) / 22 390 30 / 033 15 500 86
- AMBOHIMANARINA TEL 033 15 501 76

POLICE SECOURS - GIR

- TEL 22 357 09 / 22 357 10 / 117

COMMISSARIATS

- 1^{er} ARRONDISSEMENT ANALAKELY TEL 22 280 54
- 2^e ARRONDISSEMENT AMBOHIJATOVO TEL 22 309 46
- 3^e ARRONDISSEMENT ANTANINANDRO TEL 22 291 30
- 4^e ARRONDISSEMENT ISOTRY TEL 22 280 51
- 5^e ARRONDISSEMENT MAHAMASINA TEL 22 280 48
- 6^e ARRONDISSEMENT AMBOHIMANARINA TEL 22 225 52
- 7^e ARRONDISSEMENT 67 HA TEL 22 291 29
- 8^e ARRONDISSEMENT ANALAMAHTSY CITE 034 02 00 911
- POSTE DE POLICE AMPEFILOHA TEL 22 280 46
- POSTE DE POLICE MAHATONY TEL 22 242 22



ANDALA-NOTSONGAINA Atolotr'i Jacynthe

Tsy ho tanteraka anefa ny filaminana ary tsy hanjaka ny rariny, raha tsy arovana koa ny lehibe mba tsy ha-naovan'ny madinika anka-somparana, fa hazo avo han'ny rivotra
Takelaka notsongaina 2° tak. 451

Avoakan'ny Fikambanan'ny Poety sy ny Mpanoratra Malagasy Havàtsa-UPEM - Laharana 335 - 28 Marsa 2024

MATOANDAHATSORATRA

Fararanon-tononkalo

Volana marsa isika izao. Maro ny hetsika manamarika izany na ho an'ny andro eran-tany, na ho an'ny andro iraisam-pirenena, na ho an'ny androm-pirenena na ho an'ny andro fahatsiarovana. Fa amin'ny maha Poety ny Havàtsa-UPEM dia asongadinay ao anatin'izao matoandahatsoratra izao ny nankalazany ny 21 marsa teo dia ny andro eran-tany ho an'ny poezia. Tontoloandro mandraka alina no nankalazana izany. Koa ny maraina nanomboka tamin'ny 10 ora dia nikalo tokoa ireo Mpikambana sy ireo Mpanoratra namana ary ireo Mpandalo nandritra ny tontolo andro tamin'ny alalan'ny "Tabataba an-tononkalo an-tokotany" teo an-tokontanin'ny Tahala Rarihasina Analakely. Fiantana sy fampirantiana ary varo-boky no nentina nanamarika izany, ny masoandro nody no nampalahelo. Nitohy tamin'ny "antsa tononkalo ampitain-davitra" tamin'ny alalan'ny "zoom". Nanomboka tamin'ny 8 ora alina ary tsy nifarana raha tsy tamin'ny 11.30 alina. Poety sy mpankafy antsa tononkalo marobe no nanatrika tao.

Raha iverenana kely ny fanazavana momba ity poezia ankalazaina ity dia toy izany. Araka ny angano, toa zary loharanon'ny poezia, fony faha Orphée ilay voalaza fa lahimatoan'ny Poety dia efa tsinjotsinjo fa ho zava-kanto tsy ho lefin'ny vanim-potoana hifandimby, hiakoako maneran-tany, hampiasain'ny Firenen-drehetra, hitantana fiainam-piarahamonina sy fiainam-pirenena ary fiainan'izao tontolo izao ity poezia ity. Ny vanim-potoana no miovaova sy miovaova, fa ny poezia dia poezia eny hatrany : tao ny vanim-potoana naha miramirana ny mponin'izao tontolo izao, tao ny vanim-potoana nampanembona ny mponin'izao tontolo izao, tao ny vanim-potoana nampitanondrika ny mponin'izao tontolo izao, tao ny vanim-potoana naha mafiady ny mponin'izao tontolo izao, tao ny vanim-potoana nisian'ny ady saritaka teo amin'ny mponin'izao tontolo izao, tao ny vanim-potoana nitrakan'ny mponin'izao tontolo izao, Nisy fientanana sy fihetseham-po zary tara-kevitra ho an'ny poezia avokoa izany rehetra izany. Ary maro ireo voambolana poetika mibaiko ny fiainan'izao tontolo izao, entina mitondra fandriampahalemana, ohatra, raha tsy hiteny afa-tsy ny voambolana toy ny hoe "Demôkrasia" isika.

Eto anivon'izao tontolo izao isika Malagasy. Afaka mba mihambo ihany fa anisan'ireo Firenena manana poezia maroloko. Nandalo tamin'ny fiainan'ny Malagasy mantsy ny sedra maro samihafa, ka niteraka ireo vanim-potoana voasokajy ho "krisitianina", fakan-tahaka", "fiforetana anaty", "mitady ny very", sy ny sisa.

Fa rehefa nijoro ireo Poety nivondrona nanangana fikambanana tamin'ny 1952 dia tsapan'ireo Malagasy tamin'izany fa misy rivotra mitsoka mitondra amin'ny fivoaran'ny tantaram-pirenena sy mandrehitra hatrany ny afon'ny fitiavan-tanindrazana. Ny filazana zava-mampalahelo momba an'i Madagasikara dia miteraka hamba sy fitserana, fa ny filazana zavatra kanto momba an'i Madagasikara dia miteraka hamba sy fitroarana ho an'i Madagasikara. Nosy sambatra, hoy i Odéam Rakoto, iray amin'ireo 15 mirahalahy nanorina ny UPEM tamin'ny 1952:

Ry Madagasikara
Nosin'ny Malagasy
Hiraina sy atao tantara
Nosoratana an-taratasy,
Kaloin'ireo Poety
Fa toerana tsy mba roa
Ireo tompon-tany ao
Sy vahiny ao
Mankamamy koa...

Hoy izahay : raha tena tia ny Fireneny ny olona iray dia hanompo ny TANINY, hitazona ny TENINY, hiventy ny TANTARANY.

Hajaina ANDRIANASOLO

FANAZAVANA OHABOLANA

« Aza manao toy ny tsipolitra ka antitra vao tia sangy »

Karazan-javamaniry eny an-tanety eny ny tsipolitra. Ny tsipolitra avy mamelana no antsoina hoe tsipolitra antitra. Misy tsirany madinika maintimainty eo amin'ny lainga nitondra ny felany. Misy volombolony kely ireo tsirany ireo, mahatonga ny tsipolitra ho mora manara-damba mikasoka aminy. Fahiny moa, nitafy lamba manarona ny vatana manontolo ny olona, na lahy na vavy. Rehefa manivatsiva eny an-tampon-tanety eny dia tsy ilaozan'izay handalo tsipolitra. Marobe tokoa ny tsipolitra indray miraikitra amin'ny lamba ary mitaky fotoana ny fanalana azy, tsimponina tsirairay mihitsy. Io fiantampantsampazana sy firaketan'ny tsipolitra amin'ny lamba sendra azy izy no asehon'ny sarin-teny eto hoe "tia sangy". Fihetsika na fomba mahazatra ny ankizy sy ny zatovo ny sangy. Rehefa mitombo taona kosa ny olona, miha olon-dehibe, dia miala tsikelikely amin'izany toetra izany. Raha misy olon-dehibe mbola tia sangy ihany, dia heverin'ny maro ho mifanahin-jaza. Io hevitra io indrindra no ambaran'ity ohabolana ity. Ny lehilahy lehibe na ny vehivavy lehibe, izay heverina ho toy ny efa tena raia-mandreny, mendrika ny hohajaina amin'izany maha raia-mandreny azy izany, kanefa mbola mampiseho fihetsika na fomba kivalavala, no tondroina amin'ny hoe "tsipolitra ka antitra vao tia sangy". Heverina ho manetry voninahitra sy mandetsy hasina ny toy izany.

RANJATOHERY Harilala

VAOVAOM-PIKAMBANANA

• TABATABA AN-TONONKALO AN-TOKOTANY

Ny HAVÀTSA-UPEM toy ny fanaony isan-taona dia nanasa ny Mpankafy haisoratra, ny Mpikaroka, ny Mpitia ny teny sy haisoratra malagasy, ny mpandalo tamin'ny TABATABA AN-TONONKALO AN-TOKOTANY, ho fankalazana ny 21 marsa, andro eran-tany ho an'ny POEZIA teo an-tokotanin'ny Rarihasina Analakely. Aman-jatony ireo olona nandalo ka nankafy sy niantsa poezia teo no eo ary nanjifa ny boky malagasy. Ny ALAKAMISY 21 MARSÀ 2024 nanomboka tamin'ny 10 ora maraina hatramin'ny hariva no nanatanterahana izany. Ny masoandro nody sy ny andro mitehin-ko hariva ary ny orana midona no nampisarako.



• ANTSA TONONKALO AMPITAIN-DAVITRA

Notanterahina ny ALAKAMISY 21 MARSÀ 2024 nanomboka amin'ny 08 ora alina ka hatramin'ny 11.30 alina tao amin'ny «Zoom»
<https://us06web.zoom.us/j/7093167613?pwd=2GdruwT2RX-Tr0Wp0V6NC2YovKzBkX.1>

- Niompana tamin'ny lohahevitra
- Vehivavy (noho ny 08 marsa)
 - Poezia (noho ny 21 marsa)
 - Ady amin'ny fanavakavaham-bolon-koditra (noho ny 21 marsa)
 - Teny malagasy (noho ny 26 marsa, faha 201 taonan'ny abidia)
 - Tolom-panafahana (noho ny 29 marsa)

Ramatoa Filohan'ny Havàtsa-UPEM manontolo no nanokatra ny fotoana tamin'ny 8 ora alina. Hanitr'Ony (Frantsa) sy Loyalona (La Réunion) kosa no nikajy ny sehatra teknika sady nanolotra ny fandaharana. Maro ireo Poety niantsa ny tononkalony tao, izay raha atambatra dia mahatratra tononkalo miisa 70 mahery no niarahan'ny rehetra nandritra ny adiny telo sy sasany. Tsy nahamonamonaina, tsy nankaleo, tsy nampatory fa hain'izy mirahavavy tsara ny nandrindra izany. Maro ireo Mpandray anjara avy eto Madagasikara, maro koa ireo avy ao Frantsa, ny avy any Suisse, ny any any Londres (Angleterre), ny avy any Etazonia, sy ny sisa. Tamin'ny fizarana fahadimy farany izay nosokajiana ho fisokafana ho an'ny rehetra dia saika tsy nety nijanona intsony. Tahaka ny oram-pahavatra, andrasan-ko ritra, vao mainka nanavandra. Tena hoe nalai-nisarako. Dia nitsiry sahady ny soso-kevitra taorian'izay fa tsy hiandry ny taon-ko avy fa mety ho isam-bolana izy ity. Ho hita eo ny fanatanterahana.

• FIFIDIANANA EO ANIVON'NY HAVÀTSA-UPEM

Ny alahady 14 avrily 2024 izao no hanatanterahana ny fifidianana izay ho filohan'ny Havàtsa-UPEM manontolo mandritra ny 3 taona ho avy indray. Ny Sampana velona rehetra ao anatin'ny Havàtsa-UPEM moa, na ny eto Madagasikara na ny any am-pitandranomasina dia handray anjara mialohan'io andron'ny 14 avrily io avokoa ary handefa mialoha ny voka-pifidianana tsy azy sokafana raha tsy amin'io andro io, fa an'ny foibe sy izay mpikambana tonga manatrika kosa dia fandatsaham-bato mivantana ny amin'io andro io. Rehefa voafidy ny Filoha, izay fifidianana tarihin'ny zokiolona indrindra sy ny zandriolona indrindra ao amin'ny fikambanana dia roso amin'ny fifidianana ireo Biroa foibe avy hatrany.

VOAMBOLANA

Lovoka : (1) helodrano.

Oh. : Be lovoka ny faritra avaratra andrefan'ny Nosintsika. (2) Dobo: Lovoka tsy hisahala farihy.

Harina : fitaovana fanolanam-pary hanaovana siramamy gasy.

Oh. : Nanangana harina ilay tovolahy fa te hivo-tena amin'ny fanaovan-tsiramamy.

Dikitra : tezitra, tafintohina noho ny teny na ny nataon'ny hafa.

Oh. : Dikitra mafy Ingahy Tale.

Tandroho : fitaovana enti-manihika mitovy endrika amin'ny sobika, nasiana makarakara madinika, natao tamin'ny hazondrano.

Oh. : Raha mitsipelika ho trondro ianao, misy tandroho tsara ladina aty (hainteny).

Mandrirona : (1) Mietry.

Oh. : Lehilahy nitsikian'ny vintana ka nahavory harembe an-tsaha sy an-tanàna, saingy nitahiry an-karon-doa-body, ka mandrirona zary tsy manam-bar-raiventy no niafarany.

(2) Midina, mitambotsotra.

Oh. : Mandrirona ny andro (izany hoe efa mihamihilana eny andrefana ny masoandro).

(3) Mihena, lefy.

Oh. : Arakaraka ny fandrosoan'ny taona no mety hahatonga ny saina ho mandrirona.

Dimbana : tsy fitovian-tanana eo amin'ny zavatra iray fa misy avo sy iva na fahabangana, tsy filaharana mahitsy fa misy mibirioka na mitsivaka.

Oh. : Tandrok'omby dimbana, ka ny iray manondro lanitra, ny iray mitsilo tany.

RANJATOHERY Harilala

IZANY MOA ...

NY LALAOON-TSAIN'NY NTAOLO (tohiny)

Ho tohin'ny lahatsoratra tamin'ny laharana teo aloha dia lalaoon-tsaina misarina tantara ampiasana hainteny iray hafa indray no atolotra antsika, dia ny amin'Andrianarisaina sy Rafotsiarifanahy.

«Ary nanambady roa, hono, Andrianarisaina, ka Rafotsiarifanahy ny fahatelo. Dia hoy Andrianarisaina : "hamono omby telo aho, ka ianareo telo mirahavavy no hitantana azy, ka izao no izarao azy: 1° ny lohany omeo ny kiady; 2° ny feny omeo ny "atero ka alao"; 3° ny tsinain'avalano rano; 4° ny tongony sy ny fadiny omeo ny bozaka aman'ahitra; 5° ny trafony omeo ny masoandro amam-bolana; 6° ny tratrany omeo ny havam-bao; 7° ny mananetiny omeo ny hazo namoa vola; 8° ny iliny omeo ny hazo tapaky ny sampy; 9° ny lelany omeo ny havan-draha soa; 10° ny atiny omeo ny tsy manary an-kahoriana; 11° ny havokavony omeo ny zanaka andriana amorom-patana; 12° ny vodiny omeo ny andriamanitra hita maso."»

«Dia lasa Andrianarisaina, ka hoy ireto vadiny roa vavy: "tsy fantatray izay homenay izany, fa avelao hiandry an'Andrianarisaina." Ary ny an-dRafotsiarifanahy dia nozarainy: 1° ny lohany dia nomeny ny loholona, fa izy no kiadin'ny fanjakana; 2° ny feny dia nomeny ny mpanankarena, fa ny ateriny amin'izany no "atero ka alao", satria mbola hovaliany soa; 3° ny tsinainy dia nomeny ny malahelo, fa ny lasan'ireny sahala amin'ny avalan-drano, fa tsy misy valiny; 4° ny tongony sy ny fadiny nomeny ny mpanompo fa izany no toy ny bozaka aman'ahitra; 5° ny trafony nomeny ny ray aman-dreny, fa izy no masoandro sy volana; 6° ny tratrany nohazoniny ho azy vadiny aman-janany, fa izy no havam-bao; 7° ny mananetiny nomeny ny rafazana, fa izy no hazo namoa soa satria nahitana ny vady; 8° ny iliny nomeny ny zaodahy sy ny zaobavy, fa ireo no hazo tapaky ny sampy, fa nifanapa-tsinay tamin'ny vady; 9° ny lelany nomeny ny ankabeazan-tsakaiza, fa izany no havan-draha soa; 10° ny atiny nomeny ny atin-kavana sy ny sakaiza tia, fa izany no tsy manary an-kahoriana; 11° ny havokavony nomeny ny vinanto, fa izany no zanaka fandriana amorom-patana; 12° ny vodiny nomeny ny Andriamanjaka fa izy no ataony ho andriamanitra hita maso.»

«Ary nony tonga Andrianarisaina dia hoy izy: "iza avy no nomenareo ny hena?" Dia hoy izy mirahavavy vadibeny: "tsy fantatray izay homenay azy, ka najanonay hiandry anao." Ary hoy kosa Rafotsiarifanahy: "izao no nitantanako azy" – dia ireo voalaza ambony ireo. Dia nisaoan'Andrianarisaina izy mirahavavy vadibeny, fa Rafotsiarifanahy irery no vadiny, fa izany no nanaovan'ny ntaolo hoe: "ny tarehy tsy mahaleo ny fanahy", ary "ny zaza fito tsy mahafehy trano, fa ny fanahy fito no mahafehy trano."»

Nalaina tao amin'ny boky "Tantara sy fomban-drazana" nosoratan'i Rainandriamampandry, nivoaka tamin'ny 1972, tak.58-60.

Hitantsika eo amin'ny tantara kely miravaka hainteny io ny lanjan'ny fahatakarana-javatra sy ny fananam-pahendrena amin'ny fahaiza-mandanjalanja ny atao avy amin'ny fanahy andalana ao anaty. Nitsapa ny fahendrena tao amin'ireo vadiny telo Andrianarisaina. Nivavaka ny maha vehivavy hendry an-dRafotsiarifanahy, sady mahadinika sy mahataka-javatra no mahay mandanjalanja ny ataony amin'ny fitantanana sy fitondrana ny tokantranony, fototry ny fandalam-pihavanana amin'ny manodidina azy, na ny akaiky manolo-koditra toy ny ray aman-dreny, ny rafazana, ny zaodahy, ny zaobavy; na ny laidavitra, toy ny sakaiza, ny mpiara-monina, ny mpanompo, ny manampahafana...Ny fanabeazana ntaolo nifototra tamin'ny fandrnanitana ny saina hataka-javatra amin'ny alalan'ny fampiasana ny ankifidy, ny ankamantatra, ny ohabolana, ny hainteny, no fomba nananan'ny fahiny fahiratan-tsaina mampitologaga tahaka izay nananan-dRafotsiarifanahy. Na ny anarany aza dia efa mampiseho izany fananany fanahy lalina izany.

RANJATOHERY Harilala

Mpikambana Mahefa ao amin'ny Akademia Malagasy

GAZETY VALIHA

Mpanorina :
Célestin ANDRIAMANANTENA
Talen'ny famoahana :
Hajaina ANDRIANASOLO
Tonian'ny fanoratana :
RAINIHAROMISA Fanjaninaina
Tonia mpanampy
Itipiika RAMORAVELONA

Komitin'ny fanoratana :
-RANJATOHERY Harilala
-RAZANAMPAMONJY Danielle
-RADOMANANTOANINA Tahirisoa
-RAHEZARISOA Sannie
Foibe : Tahala Rarihasina Analakely
Tel. +261 34 01 367 51
Mailaka : havatsa.upem@gmail.com



#Paré

Orange dia manohana ireo vehivavy malagasy amin'ny alalan'ireo **maison digitale 40** manerana ny Nosy. Tetik'asa izay manamora ny firosoan'izy ireo ho amin'ny **fahaleovan-tena ara-bola.**

GCL 775/15-11

